

陸宣公集一

6-2
30
B



陸苑四
宣集卷
公注
翰廿

平潭李氏師
竹堂藏版

唐陸宣公翰苑集注序
余觀唐宋中與名臣有王佐才而未竟所用者陸宣公
李忠定公二人而已嘗愛讀其集謂足壯膽識益神智
出入輒以自隨今老矣無所復用於世又病廢學二書
束而不觀者已數歲今來新安得見歛侯張君蓀圃所
注宣公翰苑集注徵引繁博考核精密於唐事尤詳焉
顧念是集非經生家辨囿之所聚詞章家漁獵之所及
上之奏議無所用其體下之帖括無所資其助夫孰從
而好之讀之注之哉今之所好所讀所注者或詩或賦

或古今試帖或賦彙諸題擣摭勦販用爲剽竊之具而
小夫俗儒人手一編珍爲鴻寶雖六經諸史未盡寓目
其他則又何說而君顧讀人之所不必讀注人之所不
必注果好其文與抑不徒好其文與昔者蘇文忠公嘗
好讀宣公文故其稱之曰智如子房而文則過辨如賈
誼而術不踈迄今考之文忠亦殊無愧斯語蓋其素所
蓄積然也然則文忠其宋之宣公乎而君則今之文忠
乎不然而何勤勤於是也嗟乎宣公當日使無延齡之
讒必不貶卽貶矣被召不卽死且復相其所成就當不

止是乃身旣放黜而唐亦終以不競以視文忠之以新
法謫忠定之以和議沮千古一轍其可悲也余家宣公
故里東郭外有石梁以公得名兒時過之長老爲余道
公生平心慕之用是愛讀其文旣通籍奉使嶺表泛海
抵瓊臺經文忠忠定二公貶所俯仰憑弔未嘗不歎古
今來用者不才才者不用如三公者正復何限徒傳其
區區之心於殘編斷簡中以供有心人感慨慕悅於易
代之後斯誠其遇之窮乎抑亦有世運焉不可得而強
也君今以盛年遭際

堯舜之世膺民社稱循良駸駸乎向用矣志宣公之志
 學宣公之學而遇又過之不可謂非厚幸將來樹立宏
 達以不同乎古人者繼古人後而是注其職志也余自
 顧少壯碌碌坐廢撫卷追悼彌慙昔賢因為之序以告
 天下欲讀有用之書儲經濟以翊明勳乎未嘗不思古
 休運者請自宣公翰苑集注始乾隆戊子季秋月秀水
 舊史氏鄭虎文序

昔者志宣公之學而遇又過之不可謂非厚幸將來樹立宏
 達以不同乎古人者繼古人後而是注其職志也余自
 顧少壯碌碌坐廢撫卷追悼彌慙昔賢因為之序以告
 天下欲讀有用之書儲經濟以翊明勳乎未嘗不思古
 休運者請自宣公翰苑集注始乾隆戊子季秋月秀水
 舊史氏鄭虎文序

唐陸宣公翰苑集注序

生今之世而慕古之人觀乎古人則今人可知已蓋孟子
子願學孔子賈誼投弔乎屈原諸葛孔明自比於管樂
以性之所近爲情之所鍾由今日之嚮往知將來之施
設也平定張君蓀圃以進士知新安之歙縣其平生讀
書窮極幽遠於古之碩德名賢嘉言美行無不跋而望
之以爲不可及而所心儀不置則尤在唐之陸相一人
當德宗之世奉天山南蒙塵至再賴武臣戮力於外而
陸公常在左右決可否於中降罪己之詔回將去之心

卒能收復舊京宗社無隕公之功爲多德宗貪猜不終
其分而公終始一心進退無閒蓋其爲學本仁蹈義通
古宜今其趨正其守堅居一室而遠見千里之外在今
日而豫知後事之來無毫髮之差有著龜之應而其爲
言愷切開明感心愜聽允爲人臣進言之法式君讀其
文愈重其人論其世遂釋其義非以後之人爲有不知
故爲是箋訓之煩而已當其時兩河用兵民窮財匱藩
鎮之彊盧杞之姦裴延齡之詐安朱泚李懷光之叛亂
而公以一身屏障其閒其所爲納誨陳詞莫非堯舜三

代治世之蹟使後世讀君之注恍然如置身有唐之世
親見陸公而與之上下其議論則注之存豈徒以見公
蓋將教天下萬世之爲人臣莫不懷忠直以事其上也
夫有陸公之文則其君雖不能盡用而其功已著於當
世有君之注則後之人皆將論其世而陸公之學愈以
昭揭於無窮自陸公以來至於今八百餘年矣而君獨
愛慕之如此然則觀陸公可以知君矣桐城劉大櫟序

唐陸宣公翰苑集注自序

經史以載道傳注所以明道也易有十翼尚書有傳詩
有序禮記爲傳春秋有左氏公羊穀梁皆注也漢魏而
下以傳注名家者如孔安國毛萇鄭元何休王弼趙岐
杜預顏師古劉昭裴松之輩其最著者矣注所未盡遞
相詮釋則又有疏于是孔穎達邢昺孫奭之徒咸彬彬
與傳注並傳焉仲尼沒聖人之道衰諸子百家之說紛
然錯出文愈煩詞愈支而道亦愈離一二好古深思之
士撿拾遺編推測排闡聖賢之奧義微辭與夫大經大

法均理天下之至具瞭然表著如揭日月而行中天更
幾千萬世而不至幽晦而不彰注疏之功爲多唐陸宣
公文集權文公德輿所敘次制誥十卷奏草七卷中書
奏議七卷名翰苑集今傳本是已宋紹興二年嵎縣主
簿諱華者進奏議注十五卷今獨其表存而注不傳亦
不載其姓當元祐淳熙之間大臣畱心治具引君當道
屢以奏議勸進講筵而其主亦用傾心嚮慕至以退朝
之後傾聽數千言不爲倦厭幾幾典謨訓誥比隆矣當
斯時德宗播遷山南再幸公開關扈從隨事贊畫興元

詔下聞者無不感奮一切大禮次赦 賑恤優復宣慰招
諭遣將命官倉卒填委咸盡事情中機會卒之變興反
正國祚以安觀于德宗之所以失與其失而復得者一
代之興亡可考也及既爲相迺益殫所學區大計決大
疑以體國之忠爲不刊之論洞察時變折衷古今雖當
時不能盡用迨其後皆可見諸施行而有裨于治道視
夫以空文自見者迥不侔矣 佩 自授書卽嗜公集十餘
年來不自分其不類爰據新舊唐書通典通鑑考其世
以詳其時事其故事古語間引他書第釋事而不加義

李善注文選例也自漢唐諸儒專門著述沿至于今
詩賦詞章之學陰陽占候之書皆有註釋稱詳博矣然
其可傳于後而足與古人發明者蓋鮮然則余之爲是
其不能無費辭也與而又何敢自信哉山右張佩芳自
序

唐陸宣公翰苑集註釋

凡例

一書之事典可考而作者之旨意不可強明李善註
文選止引經史不釋述作意義東坡嘗稱之而詆
五臣註爲荒陋茲集據事徵典不妄加義遵李善
注文選例也

一凡引古事古語必載書名其有語義難明者并其
註疏採入

一奏草奏議皆因事獻替有關治具爰考年月事因

據新舊二史通鑑綱目詳註其下制誥昔人所謂
駢體也然興元赦文膾炙人口其他改元大禮命
官宣慰作於德宗播遷之日時勢固自不同茲亦
援据時事俾論世者得以考焉

一地理職官歷代沿革不同茲以唐書爲宗旁採通
典通考職官輿地括地諸書悉其源流唐以後不
復贅

一公集權德輿所敘次制誥十卷奏草七卷奏議七
卷宋元祐中蘇軾等校正進呈劄子止載奏議十

二卷陳后山又言權序今所存者翰苑集十卷勝
子集十二卷名目卷數互異茲照權序編次首制
誥次奏草次奏議錄序文卷首其諸儒議論亦并
附入以備參考

一經史子集各有音釋註疏家尤詳茲畧採一二以
資觀覽

一公文散見於他書如通鑑綱目唐鑑文獻通考註
解畧備而通鑑綱目二書尤詳如胡三省之音註
王幼學之集覽集中採用頗多其他則取議論與

本文相發明若止校論文詞概不敢收

一引用書籍必詳首尾其與本文不相關涉則稍加
刪節以從簡要

一集中有參以已見者則以謹按二字別之

一書有圈點鈎勒始自前明選刻時文陋習茲遵古
本體制不敢妄加

張佩芳謹識

唐陸宣公翰苑集敘

唐權德輿撰

嘗讀賈誼書觀其經制人文鋪陳帝業術亦至矣待之
宣室恨得後時遇亦深矣然竟不能達四聰而盡其善
排羣議而試厥謀道之難行亦已久矣東陽絳灌何代

無之嘻一薰一蕕善齊

去聲

不能同其器方鑿圓柄良工

無以措巧心所以理世少而亂日多大雅衰而正聲寢
漢道未融既失之於賈傅吾唐不幸復擯棄於陸公公
諱贄字敬輿吳郡蘇人溧陽令侃之子年十八登進士
第應博學宏辭科授鄭縣尉非其好也省母歸壽春刺

史張鎰有名於時一獲晤言大加賞識暨別鎰以泉貨
數萬爲贖曰願以此奉太夫人一日之膳公悉辭之領
新茶一串而已是歲以書判拔萃調渭南簿

本傳作尉御史

府以監察換之德宗皇帝春宮時知名召對翰林即日
爲學士由祠部員外轉考功郎中朱泚之亂從幸奉天
時車駕播遷詔書旁午公灑翰卽成不復起草初若不
經思慮及成而奏無不曲盡事情中於機會倉卒填委
同職者無不拱手歎伏不能復有所助嘗從容奏曰此
時詔書陛下宜痛自引過以感人心昔禹湯以罪已勃

興楚昭以善言復國陛下誠能不恠改過以言謝天下
俾臣草辭無諱庶幾羣盜革心上從之故行在詔書始
下雖武人悍卒無不揮涕激發議者以德宗克平寇亂
不惟神武之功爪牙宣力蓋亦資文德腹心之助焉及
還京師李抱真來朝奏曰陛下在山南時山東士卒聞
書詔之辭無不感泣思奮臣節臣知賊不足平也公曰
行在帶本職拜諫議大夫中書舍人精敏小心未嘗有
過艱難扈從行在轍隨啟沃謀猷特所親信有時讌語
不以公卿指名但呼陸九而已初幸梁洋棧道危狹從

官前後相失上夜次山館召公不至泣然號於禁旅
得陸贄者賞千金頃之公至太子親王皆賀初公旣職
內署母韋氏尚在吳中上遣中使迎至京師道路置驛
文士榮之丁韋夫人憂去職持喪於洛遣人護漂陽之
柩附葬河南上遣中使監護其事四方賻遺數百萬公
一無所取素與蜀帥韋南康布衣友善韋令每月置遺
公奏而受之服闋復內職權知兵部侍郎覲見之日天
子爲之興改容敘乎優禮如此內外屬望且夕俟其輔
政爲竇叅忌嫉故緩之真拜兵部侍郎知貢舉得人之

盛公議稱之貞元八年拜中書侍郎平章事公以少年
入侍內殿特蒙知遇不可與衆浮沉苟且自愛事有不
可必諍之上察物太精躬臨庶政失其大體動與公違
姦諛從而閒之屢至不悅親友或規之公曰吾上不負
天子下不負吾所學不恤其他公精於吏事斟酌剖決
不爽錙銖其經綸制度具在德宗實錄及竇叅納劉士
寧之賂爲李異所發得罪左遷橫議者以公與叅素不
協歸罷相之議於公戶部侍郎判度支裴延齡以姦回
得幸害時蠹政物議莫敢指言公獨以身當之屢言不

可翰林學士吳通元忌公先達每竊中傷陰結延齡互
言公短宰相趙憬公之引拔升爲同列以公排邪守正
心復異之羣邪沮謀直道不勝十年退公爲賓客罷政
事明年夏旱芻糧不給軍校訴於上延齡奏曰此皆陸
贄輩怨望鼓扇軍人也貶公忠州別駕上怒不可測賴
陽城張萬福救之獲免蜀帥韋令抗表請以贄代已歲
貽資糧公在南賓閉門却掃郡人稀識其面復避謗不
著書惟考核醫方撰集驗方五十卷行於世江峽十稔
永貞初與鄭餘慶陽城同徵還公已薨歿時年五十二

公之秉筆內署也擢古揚今雄文藻思敷之爲文誥伸
之爲典謨俾獮狡向風懦夫爭氣則有制誥集一十卷
覽公之作則知公之爲文也潤色之餘論思獻納軍國
利害巨細必陳則有奏草七卷覽公之奏則知公之爲
臣也其在相位也推賢與能舉直措枉將幹璿衡而揭
日月清氛沴而平泰階敷其道也與伊說爭衡考其文
也與典謨接軫則有中書奏議七卷覽公之奏議則知
公之事君也古人以士之遇也其要有四焉才位時命
也仲尼有才而無位其道不行賈生有時而無命終於

一慟惟公才不謂不長位不謂不達逢時而不盡其道
非命歟裴氏之子焉能使公不遇哉說者又以房魏姚
宋逢時遇主克致清平陸君亦獲幸時君而不能與房
魏爭列蓋道未至也應之曰道雖在我宏之在人蜚蝗
竟天農穫不能善稼奔車覆轍邱軻亦廢規行若使四
君與公異時而相則一否一臧未可知也而致君不及
貞觀開元者蓋時不幸也豈公不幸哉以爲其道未至
不亦誣乎公之文集有詩文賦集表狀爲別集十五卷
其關於時政昭昭然與金石不朽者惟制誥奏議乎雖

已流行多謬編次今以類相從冠於編首兼畧書其官
氏景行以爲序引俾後之君子覽公制作效之爲文爲
臣事君之道不其偉歟

三ノ

其論

其論

其論

順宗實錄

贈故忠州別駕陸贄兵部尚書故道州刺史陽城左常
侍贄字敬輿吳郡人也年十八進士及第又以博學宏
詞授鄭縣尉書判拔萃授渭南尉遷監察御史未幾選
爲翰林學士遷祠部員外郎德宗幸奉天贄隨行在天
下搔擾遠近徵發書詔一日數十下皆出於贄贄操筆
持紙成於須臾不復起草同職皆拱手嗟嘆不能有所
助常啟德宗言方今書詔宜痛自引過罪已以感人心
昔成湯以罪已致興後代推以爲聖人楚王失國亡走

一言善而復其國至今稱爲賢者陛下誠能不恡改過
以言謝天下臣雖愚陋爲詔詞無所忌諱庶能令天下
叛逆者迴心喻旨德宗從之故行在制詔始下聞者雖
武人悍卒無不揮涕感激議者咸以爲德宗剋平寇難
旋復天位不惟神武成功爪牙宣力蓋以文德廣被腹
心有助焉累遷考功郎中諫議大夫中書舍人兼翰林
學士丁母憂免喪權知兵部侍郎復入翰林中外屬意
且夕竢其爲相竇參深忌之贊亦短參之所爲且言其
黷貨於是與參不能平尋真拜兵部侍郎知禮部貢舉

於進士中得人爲多八年春遷中書侍郎平章車始合
吏部每年集選人舊事吏部每年集人其後遂三年一
置選選人猥至文書多不了尋勘真僞紛雜吏因得大
爲姦巧選士一蹉跌或至十年不得官而官之闕者或
累歲無人贄令吏部分內外官員爲三分計闕集人以
爲常其弊十去七八天下稱之初竇參出李巽爲常州
刺史且迫其行巽常銜之至參貶爲郴州別駕巽適遷
湖南觀察德宗常與參言故相姜公輔罪參漏其語參
敗公輔因上疏自陳其事非臣之過德宗詰之知參洩

其語怒未有所發會異奏汴州節度劉士寧遣參金帛若干士寧得汴州參處其議士寧常德之故致厚貺德宗以參得罪而以武將交結發怒竟致參於死而議者多言參死由贄焉裴延齡朔度支天下皆嫉怨而獨幸於天子朝廷無敢言其短者贄獨身當之日陳其不可用延齡固欲去贄而伐之又知贄之不與已多阻其奏請也謗毀百端翰林學士吳通元故與贄同職姦巧佻溥與贄不相能知贄與延齡相持有閒因盛言贄短宰相趙璟本贄所引同對嫉贄之權密以贄所戢彈延齡

事告延齡延齡益得以爲計由是天子益信延齡而不
直贄竟罷贄相以爲太子賓客而黜張滂李充等確言
事者皆言其屈贄固畏懼至爲賓客拒門不納交親士
友春旱德宗數獵苑中延齡疏言贄等失權怨望言於
衆曰天下旱百姓且流亡度支愛惜不肯給諸軍軍中
人無所食其事奈何以搖動羣心其意非止欲中傷臣
而已後數日又獵苑中會神策軍人跪馬前云度支不
給馬草德宗意延齡前言卽迴馬而歸由是貶贄爲忠
州別駕滂充皆斥逐德宗怒未解贄不可測賴陽城等

救乃止贄之爲相常以少年入翰林得幸於天子長養
成就之不敢自愛事之不可者皆爭之德宗在位久益
自攬持機柄親治細事失君人大體宰相益不得行其
事職而議者乃云由贄而然贄居忠州十餘年常閉門
不出入人無識面者避謗不著書習醫方集古今名方
爲陸氏集驗方五十卷卒於忠州年五十三上初卽位
與鄭餘慶陽城同徵詔始下而城贄皆卒

唐書傳贊

贄曰德宗之不亡顧不幸哉在危難時聽贄謀及已平

追仇盡言怫然以讒倖遂猶棄極至延齡輩則寵任磐
桓不移如山昏佞之相濟也世言贄白罷翰林以爲與
吳通元兄弟爭寵竇參之死贄漏其言非也夫君子小
人不兩進邪諂得君則正士危何可訾耶觀贄論諫數
十百篇譏陳時病皆本仁義可爲後世法炳炳如丹帝
所用纒十二唐胙不競惜哉

宋朝名臣進奏議劄子

元祐八年五月七日蘇軾同呂希哲吳安詩豐稷趙彥
若范祖禹顧臨劄子奏臣等猥以空疎備員講讀恭惟

聖明天縱學問日新

臣

等才有限而道無窮心欲言而

言不逮以此自愧莫知所爲竊謂人臣之納忠譬如醫
者之用藥藥雖進於醫手方多傳於古人若已經效於
世閒不必皆從於已出伏見唐宰相陸贄才本王佐學
爲帝師論深切於事情言不離於道德智如子房而文
則過辯於賈誼而術不踈上以格君心之非下以通天
下之志但其不幸仕不遇時德宗以苛刻爲能而贄諫
之以忠厚德宗以猜疑爲術而贄勸之以推誠德宗好
用兵而贄以消兵爲先德宗好聚財而贄以散財爲急

至於用人聽言之法治邊馭將之方非已以收人心改
過以應天道去小人以除民患惜名器以待有功如此
之流未易悉數可謂進苦口之藥石鍼害身之膏肓使
德宗盡用其言則貞觀可得而復臣等每退自西閣卽
私相告言以

陛下聖明必喜贊議論但使聖賢之相契卽如臣主之
同時昔馮唐論頗牧之賢則漢文爲之太息魏相條晁
董之對則孝宣以致中興若

陛下能自得師莫若近取諸贊夫六經三史諸子百家

非無可觀皆足爲治但聖言幽遠末學支離譬如山海
之崇深難以一二而推擇如贅之論開卷了然聚古今
之精英實治亂之龜鑑臣等欲取其奏議稍加校正繕
寫進呈願

陛下置之坐隅如見贅面反覆熟讀如聽贅言必能發
聖性之高明成治功於歲月臣等不勝區區之意取
進止

淳熙講筵劄子

勅送到太中大夫試刑部尚書兼侍讀兼吏部尚書蕭

燧中奉大夫權兵部尚書兼侍讀宇文价通議大夫給事中兼侍讀兼太子詹事葛邲朝議大夫試右諫議大夫兼侍講蔣繼胤通奉大夫充敷文閣待制提舉佑神觀兼侍講同脩國史洪邁朝散大夫起居郎兼國史院編脩官兼權直學士院李燾朝散郎守起居舍人吳燠劄子奏臣等恭覩淳熙八年夏四月甲戌經筵進讀真宗皇帝陛下正說終篇六月壬申有

旨宣諭陸贄奏議可與不可進讀侍讀臣希呂等言贄論諫數十百篇皆本仁義元祐中蘇軾等乞繕寫進呈

置之座右將來開講如今進讀實有補於治道七月丙子

制曰可且今日講五版九年四月辛亥

詔講讀官同班奏事

聖語云朕每見贄論德宗事未嘗不寒心正恐未免有德宗之失卿等可各條具闕失來上侍讀臣輝奏言

陛下推誠待下可謂曲盡其至侍講臣洽言德宗猜忌

刻薄唐書一贊盡之矣

聖語云德宗強明不肯推誠待下雖更奉天離亂終不

悔悟當彼艱難之時所宜與賢朝夕論議猶恐不濟而
每事但遣左右宣旨罕嘗而論豈能深究利害此所以
知德宗之不振也侍講臣敦詩言德宗於軍旅閒亦多
是中人傳旨實情安得上達

聖語云德宗欲以此濟其猜忌刻薄輝又奏

聖言及此社稷之福於是合辭奏言臣等敢不仰遵

聖訓願竭愚衷十三年三月癸卯開講時奏議猶有三
帙凡二萬五千餘字有

旨諭講讀官令自後每讀以半帙爲率四月庚戌臣燧

等讀贄論度支令折稅市草事狀臣燧等言自古聚斂之臣務爲欺誕以銜已能未有不先紛更制度者

聖語云天下本無事庸人擾之耳庚申臣燧讀贄所論

裴延齡書

聖語云陸贄論延齡姦惡反覆曲折如此延齡可謂至

小人臣燧言延齡之姦最甚世所罕有又有

旨特以十八日二十二日

御講筵臣燧又讀贄所論裴延齡書讀畢臣燧言君子

未嘗不欲去小人然爲小人所勝如蕭望之爲恭顯所

勝張九齡爲李林甫所勝裴度爲皇甫鎛所勝
聖語云皇甫鎛亦延齡之徒也惟臣等以庸瑣之才幸
得備員華光日侍左右仰惟

陛下天縱典學緝熙光明一話一言皆足以貽諸萬世
堯舜之聖不過如此豈唐德宗所當同日而語然

宸心惕惕每慮或蹈其失以爲寒心夫德宗親聞贊言
而棄之如土梗

陛下追誦贊語而寶之如元龜至以退朝之後傾聽數
千言而不爲倦厭又特於雙日

躬御邇英蓋故事所未有

聖愚相去何止高天之與下地

臣

等不勝大願乞

宣付史館以彰著

陛下不矜不伐執古御今之意無任昧死俟

命之至取

進止五月一日三省樞密院同奉

聖旨依奏

進唐陸宣公奏議表

迪功郎紹興府嵯縣主簿

臣

陸

所註唐陸宣公贊

奏議十五卷繕寫成帙謹詣登聞檢院投進者不負所
學期納忠於一時據直而言果爲法於後世可謂皆本
仁義非徒曲盡事情雖殫見聞奚探涯涘臣誠惶誠懼

頓首頓首竊以言有逆順道存是非大臣知憂國而愛
君有懷必吐小人喜乘時而射利流弊無窮顧忠邪之
蹟易明豈聽納之際難辨倘人主用心或好順而惡逆
則羣下進說必以是而爲非此忠言多致於不行而吾
道每憂其難合惟陸贄蘊經濟之畧值德宗當艱難之
初勢雖危疑動必剴切無片言不合於理靡一事或失

於機策之熟見之明若燭然而數計言之重辭之複冀
陽長而陰消惜乎柄鑿不侔冰炭難入方其多難姑屈
意以聽從逮至小康遽追仇而擯棄主眷則異臣心益
堅第知卹天下之安危豈復計吾身之利害論諫數百
雖晦蝕於建中正元之間勸講再三迺發揮於元祐淳
熙之盛幸聖賢之默契宐今古之同符恭惟
至尊壽皇聖帝性本誠明學全終始旣多識於前言往
行道積厥躬猶不遺於片善寸長近取諸費折衷一語
鼓動四方斯蓋恭遇

皇帝陛下法乾行從繼離嚮明治已至不忘於兢業德
雖盛猶樂於討論粵自潛藩屢披奏牘惟精惟一固得
於問安視膳之餘嘉謀嘉猷復取於攷古驗今之次臣
自慙魯鈍有愧師承妄加採摭之工僭釋精英之論庶
期觀覽易究端倪畫蛇寧免於支離坐井曷窺於小大
徒傾口耳何補涓埃伏望

皇帝陛下置坐之隅以古爲鑑廓日月之明斷制庶政
恢江海之量容納衆言鑿瓜果而賞不妄加念兵食而
將不輕用斯皆治道之急務固亦聖主所優爲使毫釐

有濟於斯民則竹帛愈光於前哲其奏議并目錄共十
一册謹隨表上進以

聞臣冒犯天威下情無任激切屏營之至臣誠惶誠懼

頓首頓首謹言

紹熙二年八月初七日進呈

文獻通考論文集三條

晁氏曰唐陸贄敬輿也嘉興人大歷八年進士中博學
宏詞書判拔萃科德宗初爲翰林學士從奉天還爲中
書舍人平章事贄在奉天日下詔書數百初如不經思

逮成皆周盡人情常爲帝言今盜徧天下宜痛自悔以
感人心誠不吝改過以言謝天下使臣持筆無所忌庶
叛者革心上從之故下制書雖武夫悍卒無不感動流
涕議者謂興元戡難功雖爪牙宣力蓋腹心有助焉舊
翰苑集外有勝子集五卷議論集三卷元祐中蘇子瞻
乞校正進呈改從今名疑是時哀諸集以成云

陳氏曰權德輿爲之序稱制誥集十三卷奏草七卷中
書奏議七卷今所存者翰苑集十卷勝子集十二卷序
又稱別集文賦表狀十五卷今不傳

朱子語錄曰陸宣公奏議極好看這人極奏議論事理
委曲說盡更無參漏雖至小底事被它處置得亦無不
盡如後面所說二稅之弊極佳人言陸宣公口說不出
只是寫得出今觀奏議中多云今日早面奉聖旨云云
臣退而思之云云疑或然也

唐陸宣公翰苑集目錄

卷第一

制誥

奉天改元大赦制

平朱泚後車駕還京大赦制

卷第二

制誥

貞元改元大赦制

冬至大禮大赦制

唐陸宣公翰苑集卷第一

平定張佩芳蓀圃注釋

新安汪肇龍稚川

程瑤田易田

汪梧鳳在湘

方矩踰原叅訂

制誥

奉天改元大赦制

通鑑興元元年春正月癸酉朔
赦天下改元唐書百官志凡王

言之制有七二曰制書大賞
罰赦宥慮囚大除授則用之

門下唐書百官志分注龍朔二年改門下省曰東臺武

省通典門下省後漢謂之侍中寺晉志曰給事黃門侍

郎與侍中俱管門下眾事或謂之門下省楊慎丹鉛錄

晉詔首稱綱紀唐詔首稱門下致理興化必在推誠忘己濟人不吝改

過朕嗣守丕構通鑑本註丕大也構立屋也書大誥曰

若考作室既底法厥子乃弗肯堂矧肯

構丕構之君臨萬方失守宗通鑑本註宗者百世

語本諸此不毀之廟遠廟為祀越

在草莽不念率德誠莫追於既往求言思咎期有復於

將來明徵厥初以示天下明徵厥初通鑑作明徵其義

本詩徵證也明徵其義言無

所掩惟我烈祖詩衍我烈祖傳湯有邁德此人書臯陶

覆也功烈之祖故傳湯有邁德此人書臯陶

致俗化於和平拯生靈於塗炭書民墜重熙積慶兩都

炭塗炭重熙積慶兩都

炭塗炭重熙積慶兩都

炭塗炭重熙積慶兩都

於求平之際重熙而累洽陳垂二百年伊爾卿尹庶官

太廟凱容舞辭道遙積慶育老子亭之壽之注亭謂品其以

迆於今功存于人澤垂於後肆予小子獲纘鴻業懼德

不嗣通鑑本註懼己德罔敢怠荒然以長于深宮之中

通鑑本註用禮暗于經國之務積習易溺居安忘危不

知稼穡之艱難通鑑本註書無逸不察征戍之勞苦澤

靡下究前漢鼂錯傳盛德不及情不上通事既壅隔

懷疑阻潘岳文腹心庭猶昧省己遂用興戎徵師四方

通鑑時內自關中西暨蜀漢南盡轉餉千里賦車籍馬

江淮閩越北至太原所在出兵

翁克集

遠近騷然行齋居送

史記平準書行者齋居者送中外騷擾而相奉

衆庶勞止

或一日屢交鋒及或連年不解甲冑祀奠之主室家靡

依生死流離怨氣凝結力役不息田萊多荒

詩楚茨序田萊多荒

傳田萊多荒棘茨不除也通鑑注誤以毛為鄭又引陸氏釋文田廢生草曰萊按周禮大司徒都鄙制不易之地

地家百晦一易之地家二百晦再易之地家三百晦鄭司農注不易之地歲種之地美故家百晦一易之地休

一歲乃復種地薄故二百晦再易之地休二歲乃復種故三百晦又遂人頒田里上地夫一廛田百晦萊五十

晦中地夫一廛田百晦萊百晦下地夫一廛田百晦萊二百晦康成注萊謂休不耕者六遂之民雖上地猶有

萊皆所以饒遠也是遂人之所謂萊即大司徒所謂一易再易之地矣楚茨序之田萊義正同彼其田廢生草

曰萊乃所謂田卒汚萊者也陸氏以之暴命峻於誅求釋楚茨序多荒二字不為贅乎亦誤也

疲疇空於杼軸

通鑑本持緯器

注詩小東大東杼軸其空杼轉布帛已織成者以機軸卷之

死溝壑離去鄉閭邑里邱墟人煙斷絕

綱目集覽邱墟空城也曹植詩

中原何蕭條千里無人煙

天譴於上而朕不悟

唐書天文志建中元年十一月月食歲星

在秦分占曰其國亡是月歲星食天尸天尸輿鬼中星占曰有妖言小人在位君王失樞死者太半建中二年

六月熒惑太白鬪于東井四年六月熒惑太白衆怨於復鬪于東井京師分也金火罰星鬪者戰象也

下而朕不知馴致亂階變興都邑

通鑑本注馴從也言從此而致亂也賊

臣乘釁肆逆滔天

通鑑上發涇原諸道兵救襄城冬十月丙午涇原節度使姚令言將兵五

千至京師軍士冒雨寒甚多携子弟而來與得厚賜遺其家既至一無所賜丁未發至澧水詔京兆尹王翊

師惟糲食菜餒衆怒躡覆之因揚言曰吾輩將死于敵而食且不飽安能以微命拒白又邪聞瓊林大盈二

金帛盈溢不如相與取之乃擐甲張旗鼓還趣京畿
令言入辭尚在禁中聞之馳至長樂阪遇之軍士射令
言令言抱馬鬣突入亂兵呼曰諸君失計東征立功何
患不富貴乃為族滅之計乎軍士不聽以兵擁令言而
西上遽命賜帛人二匹眾益怒射中使又命中使宣慰
賊已至通化門外中使出門賊殺之又命出金帛二十
車賜之賊已入城喧聲浩浩不復可遏上召禁兵以禦
賊竟無一人至者賊已斬關而入上乃與王貴妃韋燕
妃太子諸王唐安公主自苑北門出後宮諸王公主不
及從者什七八姚令言與亂兵謀曰今眾無主不能持
久朱太尉閔居私第請相與奉之眾許諾乃遣數百騎
迎泚于晉昌里第夜半泚按轡列炬傳呼入宮居舍元
殿設警嚴自稱權知六軍戊申旦泚徙居白華殿百官
出見泚或勸迎乘輿泚不悅壬子朱泚自白華殿入宣
政殿自稱大秦皇帝會莫愧畏敢行凌逼唐書朱泚傳泚自
皇帝收元應天會莫愧畏敢行凌逼將逼奉天以令言
為上將光晟副之忠臣畱守于是賊率韓游瓌禦泚泚
大敗死者萬計退三里而舍修攻具毀廬室為樓車百

只下覬城中會杜希全以兵敗淡谷賊益張又劉德信
高秉哲自汝州取沙苑馬五百壁昭應戰思子陵西三
敗賊次東渭橋出遊奕軍以逼都城忠臣兵數屢請救
泚乃急攻城驅民填塹造雲梁令壯士居上將傅堞守
者震駭渾瑊乃使侯仲莊韓澄穴地道梁陷縱火焚之
城上揮膏流數百步衆亂而囂城中兵出皇太子督戰
賊大敗然賊負其衆遂長圍以百券弩射城中不及幄
坐者三步城益急帝召羣臣曰朕負宗廟宜固守公等
家在賊可先降以完親族衆泣下曰臣等死
無貳帝亦太息噓欷城圍凡三旬有六日萬品失序

九廟震驚

通鑑本注歐陽修曰書云七世之廟可以觀德而禮家之說世數不同然自禮記王制祭

法禮器大儒荀卿劉歆班固王肅之徒以爲七廟者多
蓋自漢魏以來創業之君特起其上世又微無功德以
備祖宗故其初皆不能立七廟唐武德元年始立四廟
高祖崩朱子奢請立七廟虛太祖之室以待尙書八座
議禮曰天子三昭三穆與太祖之廟而七晉宋齊梁皆
立親廟六此故事也于是宣簡公懿王景元二帝四廟

更耐宏農府君及高祖為六室太宗崩宏農以世遠毀
 而耐太宗高宗崩又遷宣簡而耐高宗皆為六室中宗
 神龍初以景帝為始祖而元帝不遷而耐孝敬帝由是
 為七室中宗崩孝敬別立廟而耐中宗遂為七室至睿
 宗崩中宗立別廟而耐睿宗開元十年詔宣皇帝復耐
 正室諡為獻祖并諡光帝為懿祖又以中宗還耐太廟
 于是太廟為九室寶應二年祧獻懿而耐元宗肅
 宗代宗崩又遷元皇帝而耐代宗自是常為九室上辱
 于祖宗下負于黎庶痛心覲貌通鑑本注罪實在予永

言愧悼若墜深谷一本作泉谷泉谷即淵谷唐人避諱改之賴天地降祐宋書

禮志皇天降祐思奉揚休德神人叶謀將相竭誠爪牙宣力詩祈父

爪牙屏逐大盜載張皇維宋書關我宋書將宏永圖書惟懷

必布新令朕晨興夕惕惟念前非乃者公卿百寮累抗

章疏猥以徽號加于朕躬固辭不獲俯遂與議昨因內

省良用矍然兩都賦西都體陰陽不測之謂神與天地

合德之謂聖顧惟淺昧非所宜當文者所以成化武者

所以定亂今化之不被亂是用興豈可更徇羣情苟膺

虛美重余不德祇益懷慙自今以後中外所上書奏不

得更稱聖神文武之號唐書德宗紀建中元年正月丁卯改元羣臣上尊號曰聖神文

武皇夫人情不常繫於時化天道既隱亂獄滋豐左傳

帝滋豐賄朕既不能宏德導人又不能一法齊衆苟設密

網史記高祖功臣年表序罔亦以羅非辜為之父母實

少密焉謹按罔網古今字

增愧悼今上元統歷

唐書歷志治歷之本必推上元自月如合璧五星如連珠夜半甲子

朔旦冬至自此七曜散行不復餘分普盡總會如初又

德宗詔司天徐承嗣與夏官正楊景風等雜麟德大衍

之旨治新歷上元七曜起赤道虛四度建中四年歷成

名曰正元詔起五年正月行新歷會朱泚之亂改元興

元自是頒用北史袁翻獻歲發生楚辭招魂獻歲發春

傳乘乾統歷得一御宸兮汨吾南征王逸注

言歲始來進宜革紀年之號式敷在宥之澤莊子在宥

春氣奮揚也篇聞在宥

天下不聞治天下也在之者恐天下之與人更始前漢

淫其性也宥之者恐天下之遷其德也紀荀

悅曰漢承兵革之後比屋可封故中以答天休可大赦

以大赦之文滌蕩穢流與人更始

天下改建中五年為興元元年自正月一日昧爽以前

書時甲子昧爽大辟罪已下罪無輕重咸赦除之唐書

傳昧爽早且

刑法

志用刑有五曰死乃古大辟之刑也自隋以前死刑有五曰磔絞斬梟裂而流徒之刑鞭笞兼用數皆論百至隋始定為笞刑五自十至於五十杖刑五自六十至于百徒刑五自一年至于三年流刑三自一千里至于二千里死刑二絞斬唐皆因之文獻通考唐制赦日宣制放其赦書頒諸州用絹寫行下律曰會赦及降者盜者准枉法猶徵正賊餘賊非見在及收贖之物限內未送者並從赦降原諸赦前當罪不斷者若處輕為重宜改從輕處重為輕即依輕法

李希烈田悅王武俊李納等

唐書李希烈傳李希

烈燕州遼西人德宗立拜節度使名其軍曰淮寧藩鎮

列傳田悅承嗣從子自中軍兵馬使府左司馬擢畱後

俄為節度使王武俊本出契丹怒皆部授檢校秘書監

兼御史大夫恒冀觀察使李納正己子正己署為淄書

二州刺史又為行軍司有以忠勞任膺將相有以勲舊

馬濮徐兗沂海畱後有以忠勞任膺將相有以勲舊

繼守藩維朕撫馭垂方信誠靡著致令疑懼不自保寧

前古集 卷之六

兵興累年海內騷擾皆由上失其道下罹其災朕實不

君人則何罪

通鑑本注此等言語強藩悍將聞之宜其感服易心

屈已宏物

後漢鄭真

傳疏曰願陛下上師唐虞下

覽齊晉以成屈已從衆之德予何愛焉庶懷引慝之誠

書負罪

以洽好生之德

書好生之德洽于民心

其李希烈田悅王

武俊李納及所管將士官吏等一切並與洗滌各復舊

位待之如初仍即遣使分道宣諭

通鑑考異燕南記曰十二月二十四日前

已云赦武俊等罪而實錄明年正月改元乃赦武俊等蓋上先已諭旨赦罪及赦書出始明言之耳朱滔

雖與賊泚連坐

史記商君傳鞅令民為什伍而相收司連坐注收司謂相糾發也唐書朱滔傳

朱滔朱泚弟刑法志反逆者祖孫與兄

弟緣坐皆配沒惡言犯法者兄弟配流路遠未必同謀

朕方推以至誠務欲宏貸

通鑑本注
宏貸也

如能效順亦與惟

新其河南北諸軍兵馬並宜各于本道

通典貞觀初并
省州縣始于山

道四曰河北道五曰山南道六曰隴右道七曰淮南道

八曰江西道九曰劍南道十曰嶺南道開元二十一年

都畿治東都關內多以京官遙嶺河南治陳畱郡河東

治河東郡河北治魏郡隴右治西平郡山南東治襄陽

郡山南西治漢中郡劍南理蜀郡淮南理廣陵郡江南

東理吳郡江南西治豫章郡黔中治黔中郡嶺南治南

海自固封疆勿相侵軼古今注封疆封土為臺以表識
軼突朱泚大為不道棄義蔑恩反易天常通鑑本注君
有典之盜竊名器暴犯陵寢綱目集覽古者宗廟前制
常也廟後制寢至秦始皇出寢起

於墓側故陵上稱寢殿有衣冠几杖象生之具以舊新
物唐書朱泚傳帝使高重傑屯梁山禦賊賊將李日月
殺之泚既勝則令都人曰奉天殘黨不終日所不忍言
當平日月銳甚自謂無前乃燒陵廟鹵御物

獲罪祖宗朕不敢赦通鑑本注此等言語其應被朱泚

脅從將士官吏百姓及諸色人等書殲厥渠魁有遭其

扇誘南史王藻傳諸主有迫以克威苟能自新理可矜

宥但官軍未到京城以前能去逆效順及散歸本道者

並從赦例原免一切不問通鑑本注所以天下左降官

即與量移近處已量移者更與量移舊唐書明皇紀二

左降官量移近處綱目集覽移徙也流人配隸及藩鎮
謂得罪遠斥者遇赦則量徙近地

效一作力唐書刑法志川刑有五四曰流書云流宥五

重刑而役者寒暑不釋械繫杖古以代肉刑也或并緣

罪犯巨蠹而捶以至死其皆免以配諸軍自效

口未得歸者一切放還應先有痕累禁錮前漢武帝紀

過者得免減罪綱目集覽禁及反逆緣坐書子則孥戮

舜禹之後刑罰尚寬殷承前恩赦所不該者通典隋初

條一曰謀反二曰謀大逆三曰謀叛四曰惡逆五曰不

道六曰大不敬七曰不孝八曰不睦九曰不義十曰內

亂十惡及故殺人獄並宜洗雪亡官失爵放歸勿齒者

量加收敘人之行業或未必兼構大厦者方集於羣材

淮南子大夏增加擬于崑崙注高誘曰大夏大屋也庾信連珠羣材既聚故能成鄧林建奇功者

不限于常檢苟在適用則無棄人況黜免之人沉鬱既

久朝過夕改仁何遠哉流移降黜亡官失爵配隸人等

有材能著聞者特加錄用勿拘常例諸軍使諸道赴奉

天及進收京城將士等或百戰摧敵或萬里勤王左傳

言于晉侯曰求諸侯莫如勤王注勤納王也扞固全城驅除大憝史記秦楚之際月表

鄉秦之禁適足以資賢者濟危難者其節著復社稷者

為驅除難耳書元惡大憝其業崇我圖爾功特加彝典北史蘇綽傳勿讐勿錫名

疇賦前漢宣帝紀疇其爵邑注律非始末末無窮宜並

賜名奉天定難功臣

通鑑本注所以作勤王之心

身有過犯遞減罪

三等子孫有過犯遞減罪二等當戶應有差科使役一

切蠲免其功臣已後雖衰老疾患不任軍旅當分糧賜

並宐全給身死之後十年內仍回給家口其有食實封

者

唐書百官志凡封戶三丁以上為率歲租三之一入于朝廷食實封者得真戶分食諸州

子孫相

繼代代無絕其餘敘錄及功賞條件待收京日並准去

年十月十七日十一月十四日勅處分

謹按去年謂諸建中四年也

道諸軍將士等久勤扞禦累著功勳方鎮克寧

唐書兵志府兵

法壞而方鎮盛矣夫所謂方鎮者節度使之兵也其始起于邊將之屯防者

惟爾之力其應

在行營者通鑑唐自祿山反邊兵之精並超三資與官

唐書百官志凡酬功之等見任前資常選曰上資文武

散官衛官勳官五品以上曰次資五品以上子孫上柱

國柱國子勳官六品以下曰下資白丁衛士曰無仍賜

資跳盪人上資加二階次資下資無資以次降

勳五轉唐書百官志司勳掌官吏勳級凡十有二轉為

十轉為上護軍視正三品九轉為護軍視從三品八轉

為上輕車都尉視正四品七轉為輕車都尉視從四品

六轉為上騎都尉視正五品五轉為騎都尉視從五品

四轉為驍騎尉視正六品三轉為飛騎尉視從六品二

轉為雲騎尉視正七品一轉為武騎尉不離鎮者依資

視從七品凡以功授者覆實然後奏擬

與官賜勳三轉其累加勳爵仍許回授周親唐書百官

柱國有餘則授周內外文武官三品以上賜爵一級唐

以上親無者賜物

內外文武官三品以上賜爵一級唐

以上親無者賜物

內外文武官三品以上賜爵一級唐

百官志凡爵九等一曰王食邑萬戶正一品二曰嗣王	郡王食邑五千戶從一品三曰國公食邑三千戶從一	品四曰開國郡公食邑二千戶正二品五曰開國縣公	食邑千五百戶從二品六曰開國縣侯食邑千戶從三	品七曰開國縣伯食邑七百戶正四品上八曰開國縣	子食邑五百戶正五品上九曰開國縣男食邑三百戶	從五品上	四品以上各加一階 <small>唐書百官志凡文散階二十</small>	正二品曰特進從二品曰光祿大夫正三品曰金紫光	祿大夫從三品曰銀青光祿大夫正四品上曰正議大	夫正四品下曰通議大夫從四品上曰大中大夫從四	品下曰中大夫正五品上曰中散大夫正五品下曰朝	議大夫從五品上曰朝請大夫從五品下曰朝散大夫	正六品上曰朝議郎正六品下曰承議郎從六品上曰	奉議郎從六品下曰通直郎正七品上曰朝請郎正七	品下曰宣德郎從七品上曰朝散郎從七品下曰宣義	郎正八品上曰給事郎正八品下曰徵事郎從八品上	曰承奉郎從八品下曰承務郎正九品上曰儒林郎正
-----------------------	-----------------------	-----------------------	-----------------------	-----------------------	-----------------------	------	-------------------------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------

九品下曰登仕郎從九品上曰文林郎從九品下曰將
仕郎武散階四十有五從一品曰驃騎大將軍正二品
曰輔國大將軍從二品曰鎮軍大將軍正三品上曰冠
軍大將軍懷化大將軍正三品下曰懷化將軍從三品
上曰雲麾將軍歸德大將軍從三品下曰歸德將軍正
四品上曰忠武將軍正四品下曰壯武將軍懷化中郎
將從四品上曰宣威將軍從四品下曰明威將軍歸德
中郎將正五品上曰定遠將軍正五品下曰寧遠將軍
懷化郎將從五品上曰游騎將軍從五品下曰游擊將
軍歸德郎將正六品上曰昭武校尉正六品下曰昭武
副尉懷化司階從六品上曰振威校尉從六品下曰振
威副尉歸德司階正七品上曰致果校尉正七品下曰
致果副尉懷化中候從七品上曰翊麾校尉從七品下
曰翊麾副尉歸德中候正八品上曰宣節校尉正八品
下曰宣節副尉懷化司戈從八品上曰禦侮校尉從八
品下曰禦侮副尉歸德司戈正九品上曰仁勇校尉正
九品下曰仁勇副尉懷化執戟長上從九品上曰仍並
陪戎校尉從九品下曰陪戎副尉歸德執戟長上曰仍並

賜勳兩轉見危致命先折攸貴掩骼埋胔禮典所先

禮記

孟春之月掩骼埋胔 注 雖效用而或殊在側隱而何間

諸道將士有死王事者各委所在州縣給遞送歸本管

官為葬祭其有因戰陣殺戮及擒獲伏辜暴骨原野者

亦委所在逐近便收葬應緣流貶及犯罪未葬者並許

其家各據本官品以禮收葬自頃軍旅所給賦役繁興

吏因為姦人不堪命咨嗟怨苦道路無聊汔可小康

詩

亦勞止汔可小康 與之休息其塾陌及稅間架

通鑑建中四年六月庚戌初行

稅間架除陌錢法舊制諸道軍出境皆仰給度支優恤士卒每出境加給酒肉本道糧仍給其家一人兼三

人之給故將士利之各出軍纜逾境而止月費錢百三十
 十餘萬緡常賦不能供判度支趙贊乃奏行二法所謂
 稅間架者每屋兩架為間上屋稅錢二千中稅千下稅
 五百吏執筆握筭入人室廬計其數或有宅屋多而無
 他資者出錢動數百緡敢匿一間杖六十賞告者錢五
 十緡所謂除陌錢者公私給與及賣買每緡官留五十
 錢給他物及相貿易者約錢為率敢隱錢百杖六十罰
 錢二千賞告者錢十緡其賞錢皆出坐事之家于是愁
 怨之聲盈竹木茶漆摧鐵等文獻通考唐德宗建中元
 于遠近年納戶部侍郎趙贊議稅
 天下茶漆竹木十取一以為常平本錢時軍用廣常賦
 不足所稅亦隨盡亦莫能充本儲及出奉天乃悼悔下
 詔亟罷之唐書食貨志凡銀銅鐵錫之冶一百六十八
 陝宣潤饒衢信五州銀冶五十八銅冶九十六鐵山五
 錫山二鈔山四汾州砮山七麟德二年廢陝州銅冶四
 十八開元十五年初稅伊陽五重山銀錫德宗時戶部
 侍郎韓洄建議山澤之利宜諸色名目悉宐停罷通鑑
 歸王者自是皆隸鹽鐵使

所以順人情之欲惡京畿之內通鑑本注京畿西京畿也唐以雍同華商岐邠為京畿洛汝為都畿

屬此寇戎攻劫焚燒靡有寧室王師仰給人以重勞特

宐減放今年夏稅之半唐書食貨志自代宗時始以畝定稅而斂以夏秋至德宗相楊

炎遂作兩稅法夏輸無過六月秋輸無過十一月置兩稅使以總之朕以克醜犯闕遽用

于征爰度近郊息駕茲邑軍儲克辦師旅攸寧式當褒

旌以志吾過其奉天宐升為赤縣通典唐縣有赤畿望緊上中下六等之差

京都所治為赤縣京之旁邑為畿縣其餘則以戶口多少資地美惡為差百姓並給復五年

尚德者教化之所先求賢者邦家之大本求言茲道夢

想勞懷而澆薄之風趨競不息幽棲之士寂寞無聞蓋

誠所未孚故求之未至天下有隱居行義才德高遠晦

跡邱園不求聞達者謹按唐制科名目有高蹈邱園科委所在長吏具

姓名聞奏當備禮邀致諸色人中有賢良方正能直言

極諫及博通墳典達于教化并洞識韜鈴堪任將帥者

唐書選舉志天子自詔者曰制舉四方德行才能文學之士或高蹈幽隱與其不能自達者下至軍謀將畧

關拔山絕藝奇技莫不兼取其為名目隨其人主臨時所欲而列為定科者如賢良方正直言極諫博通墳典

達于教化軍謀宏遠堪任將率詳委常參官通鑑音注

明政術可以理人之類其名最著常參官朝日常赴朝參者也唐制文官五品以上及兩省供奉

官監察御史員外郎太常博士日參號常參官武官三
品以上三日一刺號九參官五品以上及新行常番者
五日一朝號六參官宏文崇文館國子監學生四時參

凡諸王入朝及以恩追至者日參其文武官
職事九品以上及二王後則朝朔望而已
及所在長

吏聞薦天下孤老鰥寡惇獨不能自活者並委州縣長

吏量事優恤其有年九十已上者刺史唐書百官志上

三品職同牧尹中州刺史一人正唐書百官志京

四品下州刺史一人正四品下縣令唐書百官志京

五品上畿縣令各一人正六品上縣令一人從六品

上中縣令一人正七品上中下縣令一人從七品上下

縣令一人從七品下縣令掌導風化察冤滯聽獄就門

訟通典唐縣凡一千五百七十三縣令各一人

存問義夫節婦孝子順孫旌表門閭終身勿事前漢高

大夫以下皆復其身及戶勿事注大兵之後內外耗竭

復其身及一戶之內皆不徭役也
貶食省用宐自朕躬當節乘輿之服御絕宮室之華飾

率已師儉為天下先諸道貢獻通鑑代宗之世每元日

常賦之外競為貢獻貢獻多者則冬至端午生日州府悅之武將姦吏緣此侵漁下民自非供宗廟軍國之

用一切並停應內外官有冗員及百司有不急之費委

中書門下通典梁陳時凡國之政事並由中書省省有

掌二十一局事各當尚書諸曹並為上司總國內機要而尚書唯聽受而已隋初改為內史省唐武德三年復

中書省唐書百官志初三省長官議事于門下省之政

事堂其後裴炎自侍中遷中書令乃徙政事堂于中書

省開元中張說為相又改政事堂號中書門下列五房

于其後一曰吏房二曰樞機房三曰兵房四曰戶房五

曰刑禮房以即商量條件停減聞奏布澤行賞仰惟

主眾務焉

章今以餘孽未平帑藏空竭說文帑金幣所藏也後漢鄭宏傳人食不足而帑

般積有乖慶賜深愧於懷赦書有所未該者委所司類例

條件聞奏敢以赦前事相言告者以其罪罪之通典諸以赦前

事相告言者以其罪罪之官司受而為理者以故入人罪論至死者各加役流若事須追究者不用此律亡

命山澤通典亡命山澤不從挾藏軍器通典諸私有禁

半弩一張加二等甲一領及弩三張流二千里甲三領及弩五張絞私造者各加一等造未成者減二等即私

有甲弩非全成者杖一百日不首復罪如初通典諸犯罪未發而

百餘非全成者勿論通典諸犯自首者赦書日行五百里布告遐邇咸使聞知通鑑赦

原其罪人心大悅

平朱泚後車駕還京大赦制

唐書德宗紀興元元年六月甲辰朱泚伏

誅七月丙子次鳳翔壬午至自興元辛卯大赦

門下致理之體先德後刑禮義興行故人知恥格教令

明當則俗致和平然後姦慝不萌暴亂不作古先哲后

莫不由斯國家受命百七十載謹按文獻通考唐高祖

十三年高宗在位三十四年中宗在位五年睿宗在位二

二年元宗在位四十四年肅宗在位七年代宗在位十

八年內武氏二十二年自高祖武德元八聖儲慶敷佑

年至德宗興元改元凡一百六十八年下人邁種寬大之德累蠲苛酷之令蓋仁之所積者厚

故澤之所流者深茲予小子獲主重器更記伯夷傳示

曰天下者王者之重器惜乎理亂之本說文惜溺于因

道子天下之大器是也不明也

習之安授任不明賞罰乖常立法以齊衆而犯命愈甚

與戎以除害而長亂益繁賊臣蓄姦乘釁竊發九廟之

祀兆人靡依狎猢肆其吞噬爾雅狎類獮虎爪食人

為民害孫綽喻道論豺狼穴于宮闕歲未云半載罹播

遷唐書德宗紀建中四年十月涇原節度使姚合言反

犯京師戊申如奉天興元元年二月甲子李懷光反

益縱寇讐重辱宗社忍恥誓志庶補前羞賴億兆宅心

不忘先德諸帥戮力恭行天罰俾余寡昧再膺多祐總

乾綱于既紊范甯春秋穀梁傳序昔復天柱于將傾宋

周道衰陵乾綱絕紐

卷之十五

注張華敘東方朔神異經曰崑崙言旋鎬京鎬京地名

有銅柱焉其高入天謂之天柱也

所都在長安西上林苑中通典周自武王克殷都于鄴

鎬豐邑在豐水鎬京在豐水之東並在今長安縣界

不改舊物左傳祀夏配宗祧有序朝享有期責重慶多

天不失舊物

深增感惕嗚呼君者所以撫人也君苟失位人將安仰

朕既不德致寇興禍使生靈無告受制兇威苟全性命

急何能擇或虧廢名節或貪冒貨利陷于法網事匪一

端究其所由自我而致不能撫人以道乃欲繩之以刑

豈所謂恤人罪己之誠含垢布和之義易林宣時布和

之曲水詩序皇祇發生滌清汚俗咸與更新可大赦天

之始后王布和之辰

下自興元元年七月二十三日昧爽已前大辟罪已下

已發覺未發覺已結正未結正見繫囚徒通鑑音注繫囚逮捕在獄

者徒坐徒文獻通考常赦所不免謂雖會大赦常赦所不原者咸赦除之

猶處死謹按德宗以七月壬午還京辛卯大赦前及流 今年五月二十八日已前

云七月二十三日昧爽已前以放赦書之日唐書德宗紀云五月二十八日已前當指復京師之日

興元元年五月壬辰尚可孤及朱泚戰于藍田之西敗唐書德宗紀之乙未李晟又敗之于苑北戊戌又敗之于白華復京

師是五月已復京師而左降官即與量移未復資者更唐書李晟傳還京大赦則在七月也

與移近處流人及犯配隸藩鎮效力綱目集覽唐自安祿山史思明之亂

肅宗幸長安分河北地付綱目集覽唐自安授叛將後遂效綱目集覽唐自安戰國肱髀相依以土地傳子孫謂之藩鎮並即放還亡

官失爵放歸不齒者量加收敘未復資者更與進改其

黜免人等有素著行能傍連譴累特加錄用勿以為負

不有忠者誰復社稷不有勞者誰從巡狩連帥之重所

以殿邦禦侮也禮記千里之外設方伯五國以為屬屬

也伯帥亦長也詩殿天子之邦毛傳殿鎮二千石之任

所以分憂其理也前漢百官公卿表郡守秦官掌治其

師古注二千石者月百二十斛循吏傳宣帝常稱曰庶

民所以安其田里而亡太息愁恨之者政平訟理也

與我其此者其唯良二千石乎注謂郡守諸侯相方鎮
謹按唐太守或稱刺史漢郡守也故曰二千石
將校後漢顯帝紀詔大將軍三公選武猛試用有效驗
任為將校者各一人綱目集覽校木營壘之稱故

謂軍之一校勤奉戎役中外察吏恪居官次左傳敬其朝夕恪居官次

注次國有大慶所宜同之內外文武及致仕官百虎通致仕者

致其事于君君不使自去者尊賢者也故三品以上賜

爵一級四品以上加一階仍並賜勳兩轉司徒兼中書

令晟唐書百官志太師太傅太保各一人太尉司徒司空各一人是為三公皆正一品又中書省中書令

二人正二品掌佐天子執大政而總判省事李晟傳李晟字良器洮州臨潭人初為右神策都將朱泚平拜司

徒兼中書令英特傑立光輔中興春秋序紹開中興注中丁仲反再定

實封千戶皇都一匡天下唐書李晟傳帝進狩梁州遣晟將張少宏口詔進晟尚書左僕射同中書門下

平章事晟受命拜且泣曰京師天下本若皆執羈勒誰將復之乃繕甲兵治陴隍以圖收復于是駱元光以莘

州之衆守潼關尚可孤以神策兵保七盤皆受晟節度
戴休顏舉奉天韓游瓌悉邠寧軍從晟乃引兵叩都門
賊不敢出振旅而還明日會諸將圖所向衆對先拔外
城然後清宮晟曰外城有里閭之隘若設伏格戰居人
囂潰非計也賊重兵精甲聚苑中今直擊之是披其心
腹將圖走不暇諸將曰善乃自東渭橋移壁光泰門以
薄都城連溝柵而賊將張庭芝李希倩求戰晟顧曰賊
不出是吾憂也今乃冒死來天誘之矣縱兵鏖擊賊攻
華師急晟以精騎馳救中軍譟而從大破之乘勝入光
泰門再戰賊卻僵尸相藉餘衆走白華賊大哭終夜不
息翌日將復戰或請待西師晟曰賊旣敗當乘機撲殄
苟俟西軍是容其爲計豈吾利邪乃悉軍軍光泰門使
王泌李演將騎史萬頃將步抵苑北晟先夜墮苑垣爲
道二百步比兵至賊已伐木塞以拒戰晟叱諸將曰安
得縱賊令先斬公矣萬頃懼先登拔柵以入泌督騎繼
之賊崩潰執其將段誠諫大兵分道進雷譟震地令言
庭芝希倩等殊死鬪晟令唐良臣等步騎奔突賊陣成
輒北十餘遇皆不勝賊入白華賊伏千騎出官軍背晟

以麾下百騎自馳之左右呼曰相公來賊驚潰禽馘畧
盡訛率殘卒萬人西走川子奇追之餘黨悉降晟引軍
屯舍元外庭舍右金吾次令軍中曰五日內不得輒通
家問違者斬遣京兆尹李齊運部長安萬年令分慰居
人秋毫無所擾明日孟涉屯白華尙可孤屯望仙門駱
元光屯章敬寺晟屯安國寺斬賊用事者及臣賊宦豎
于市表著節不屈者擇文武攝臺省官以俟乘輿條脅
汙于賊者請以不死露布至梁帝感泣羣臣上壽帝曰
天生晟爲社稷推恩之典貽慶無窮宐與一子五品正
萬人豈獨朕哉

員京官

唐書百官志凡文官九品有正有從自正四品以下有上下爲三十等通鑑本注京官卽在京

職事 侍中 中 城

唐書百官志門下省侍中二人正二品堂出納帝命相禮儀凡國家之務與中書合

參總而顓判省事通典侍中者周公戒成王立政之篇
所云常伯常任以爲左右卽其任也秦爲侍中丞相
史也使五人往來殿內東廂奏事故謂之侍中唐書渾
城傳渾城本鐵勒九姓之渾部也帝狩奉天城率家人

子弟以從泚平論功以沉邃忠厚服勞王家保全危境

翦除大憝

唐書渾瑊傳朱泚兵薄城戰譙門晨至日中

解泚治攻具矢石四集如雨晝夜不息凡浹日鑿壘

城城中死者可藉人心危惴或夜縫出掇蔬本供御帝

與瑊相泣泚方據乾陵下瞰城翠翟紅袍左右宦人趨

走宴賜拜舞又縱慢辭戲斥天子以爲勝在景刻使騎

環馳責大臣不識天命造雲梁廣數十丈施大輪濡氈

及革冒之周布水囊爲障指城東北構木廬蒙革周置

之運薪土其下將塞墮帝召瑊授以詔書千餘自御史

大夫實封五百戶而下募突將死士當賊賜瑊筆使量

功署詔不足則署衣以授因曰朕與諸公訣矣瑊俯伏

嗚咽帝撫而遣之城前與防城使侯仲莊揣雲梁所道

掘大隧積馬矢及薪然之賊乘風推梁以進載數千人

千師乘城者皆凍餒甲弊兵隘城但以忠義感率使當

賊人憂不支羣臣號天以禱城中矢自樞去被血而戰

愈厲雲梁及墜而陷風返悉焚賊皆死舉城歡噪是日

詔授城
二子官
嘉乃茂績次于寵章
魏志
武帝紀
宜與一子六

品正員京官鎮國軍
唐書地理志
華州有鎮
潼關節度

使
通典華陰太華山在南有潼關
左傳所謂桃林塞也
本名衝關河自龍門南流衝激
華山東故以為名唐

書兵志唐初兵之戍邊者大曰軍
小曰守捉曰城曰鎮
而總之者曰道道有大將一人曰
大總管已而更曰大

都督至太宗時行軍征討曰大總
管在其本道曰大都
督自高宗永徽以後都督帶使持
節者始謂之節度使

然猶未以名官景雲二年以賀拔
延嗣為涼州都督河
西節度使自此而後接乎開元朔
方隴右河東河西諸

鎮皆置節度使方鎮表上元二年
以華州置鎮國節度
亦曰關東節度廣德元年罷興元
元年以華州置潼關

節度
檢校右僕射
綱目集覽唐有
檢校兼守判知之類
使皆非本制出于
特旨所置與正員資

格同皆以待資淺之人唐書百官
志尚書省左右僕射
各一人從二品掌統理六官為令
之貳令闕則總省事

効御史糾不當者通典僕射秦官漢因之古者重武官

有主射以督課故曰僕射僕射者僕役于射也成帝建

始元年初置尚書五人以一人為僕射後漢獻帝建安

四年以榮劬為左僕射衛臻為右僕射侍者分置左右

蓋自此始唐左右二僕射因前代本副尚駱元光唐書

書令自尚書令廢闕二僕射則為宰相駱元光李元

諒傳李元諒安息人本安氏少為宦官駱奉先養息冒

姓駱名元光德宗出奉天遷鎮國軍節度使封武康郡

王與李晟收京師加京畿渭南商州節度使唐書方燠

檢校尚書左僕射京畿渭南商州節度使領京兆同岐金

載置京畿節度使領京兆同岐金商五州建中四年置

京畿渭南節度觀察使領金商二州未幾罷五州及金

州為京畿商檢校右僕射尚可孤唐書尚可孤傳尚可

州節度使孤東部鮮卑宇文之

別種德宗將遷梁州命引兵守瀾上拜神策京畿渭南

商州節度招討使進軍與李晟收長安為先鋒以功加

檢校尚書邠寧等州節度使唐書方鎮表乾元二年置

右僕射邠寧等州節度使領州九邠寧

慶涇原鄜坊丹延大原三年能
十四年復置邠寧慶節度使
檢校右僕射韓遊瓌唐書

韓遊瓌傳韓遊瓌靈州靈武人拜邠寧節度使李晟入
長安遊瓌破泚兵咸陽京師平遷檢校尚書左僕射

奉天行營諸軍節度使唐書百官志分注建中後行營
亦置節度使防禦使都團練使

通鑑本注乾元元年鎮西北庭行營節
度使李嗣業屯河內行營節度使始此
檢校右僕射戴

休顏唐書戴休顏傳戴休顏夏州人帝進狩梁洋畱守
奉天遷檢校工部尚書奉天行營節度使京師平

加檢校尚書右僕射咸秉大節著于艱難同勳叶忠翼我興運宐

各與一子七品正員官諸道節度使文獻通考唐天寶初置十道節度使

曰安西北庭河西朔方河東范陽平盧隴右劍南嶺南
其後有淮南河南江東成德宣武鎮海義成淮寧彰義

義武奉義忠武武寧永安天平河陽歸
義戎昭義昌山南諸道俱置節度使
及行在都知兵

馬使蔡邕獨斷天子所在曰行在所居曰禁中又天子無外以天下為家又天子自謂曰行在猶言今雖

在京師行所至爾巡狩天下所奏事處皆為宮唐書百官志天下兵馬元帥前軍兵馬使中軍兵馬使後軍兵

馬使各興元扈從左右金吾大將軍唐書百官志左右衛大將軍各一人

正三品掌宮禁宿衛凡五府及外府皆總制焉左右金吾衛大將軍各一人掌宮中京城巡警烽候道路水草

之宜凡翊府之翊衛及外府伏飛番上皆屬焉通典漢京師有南北軍掌理禁衛初有衛將軍魏末晉文王又

置中衛將軍武帝接受分中衛為左右衛將軍隋改為左右衛將軍武

漢更名執金吾掌京師盜賊考按疑事隋改為左右武

候衛唐龍朔二年改為左右金吾衛又唐定制凡十六衛大將軍各一人左右衛及左右金吾

吾衛總謂之四衛其餘謂之雜衛唐書百官志左右龍武左右神武左右神策大將軍

一人正二品號六軍通典左右羽林左右龍武左右神武

武六軍大將軍各二人通鑑本注北軍十軍左右羽林

龍武神武神威神策也神策尤盛建中之前未分左右

軍謂之神策六軍者指言神策年與左右羽林龍武神

武六軍也又會要乾元四年十月四日勅左右羽林左

右龍武左右神武軍文等各與一子八品正員官諸道

武官並昇同金吾四衛

團練觀察處置等使文獻通考肅宗乾元初置團練使

宗時元載當國令刺史悉帶團練大率團練皆隸所治

州歲以八月考其治否以安民為上考懲姦為中考得

情為下考又唐正觀初遣大使十三人巡省天下諸州

水旱則遣使有巡察安撫之名神龍二年以五品以上

二十人為十道巡察使察舉州縣再周而代景雲二年

置十道按察使各道一人開元二年曰十道按察採訪

處置使二十年曰採訪處置使分十五道乾元元年改

曰觀察處置使掌察所部善惡舉大綱凡奏請皆屬于

州歲以八月考其治以豐稔為各與一子九品正員官

上考省刑為中考辦稅為下考

各與一子九品正員官

應諸軍赴上都收復將士等

唐書地理志上都初曰京城天寶元年曰西京至德

三載曰中京肅宗元年曰上都俱以純誠奮其勇節連年帶甲百戰摧

鋒吳越春秋人民殷富皆有帶甲之勇左思賦摧鋒積紀芒氣彌銳有忘身以效命有

滅親以徇義誓平國難如復私讐競揚貔虎之雄克濟

梟獍之孽書如虎如貔傳貔執夷虎屬也詩疏陸璣云白關而西謂梟為流離其子適長大還食其

母故張魚云鷓鴣食母漢書郊祀志注孟康曰梟鳥名食母破鏡獸名食父破鏡如獬而虎眼鏡鏡通策

勳行賞傳嗣榮親播乃功名與國終始自去年冬已來

謹按去年謂建中四年也未經甄敘者即與超八資改轉已經甄敘

者更與超三資進收三品已上祖父母在先無官封者

量與致仕官及邑號亡者並與追贈四品已下父母在
先無官封者亦授致仕官及邑號亡者與追贈其賞錢
委所司卽依元勅支給應扈從將士三品已上賜爵兩
級四品已下各加兩階仍並賜勳其祖父母官封追贈
並准收京城將士例處分應扈從官普恩之外三品已
上賜爵兩級四品已下各加兩階仍並賜勳三轉其祖
父母父母封贈並准收京城例處分應扈從官普恩之
外三品已上更加爵一級四品已下更加一階若常叅
官祖父母父母在先無官封者量授致仕官及邑號亡

者與追贈諸州刺史普恩外賜爵一級諸道進奏陪位

者通鑑音注唐諸鎮皆置進奏院在長安以進奏官主

之宋白曰大歷十二年正月勅諸道先置上都置後

便宜並改充諸道都知進奏官爾雅釋言陪朝也注陪

位為朝疏臣見君曰朝朝之列位必陪重是陪位為朝

也 更加一階其奉天定難及元從功臣唐書兵志德宗

兵有勞皆號興元元從幸梁還以神策

奉天定難功臣恕死罪宜令本軍本使即定名聞奏所

司各准元勅優賞其諸道軍鎮唐書兵志唐初兵之戍

曰城曰鎮唐書百官志上鎮將一人正六品下鎮副二

人正七品下中鎮將一人正七品上鎮副一人從七品

上下鎮將一人正七品下鎮副一人從七品下每鎮又

有使一人副使一人凡軍鎮二萬人以上置司馬一人

正六品上不及二萬人者司馬從六品上鎮將鎮副堂

捍防守禦凡上鎮一十中鎮九十下鎮一百三十五

及行營將士三品已上賜爵一級四品已上加一階仍

准今年正月一日制速與甄敘成德淄青魏博等節度

唐書方鎮表寶應元年置成德軍節度使領恒定易趙

溪五州治恒州建中三年罷興元元年復置成德軍節

度使領恒冀趙深四州至德元載置青密節度使領北

海高密東牟東萊四郡治北海郡上元二年置淄沂節

度使領淄沂滄德棣五州治沂州平盧軍節度使侯希

逸引兵保青州授青密節度使遂廢淄沂節度并所管

五州號淄青平盧節度廣德元年置魏博等州防禦使

領魏博貝瀛滄五州治魏州是年升為節度使謹按成

德謂王武俊淄青謂

李納魏博謂田悅并諸軍應歸順將士等各蘊誠義

積著功勞由朕失于撫綏頃歲暫懷疑阻尋能薦節不

替舊勳通鑑上在奉天使人說田悅王武俊李納款莫

罪厚賂以官爵悅等皆密歸款而猶未敢絕朱

滔各稱王如故興元元年春正月赦下皆去王號上表謝罪是資宴犒俾洽王澤宥

委所司即約額支計各賜錢物賞設仍委本節度准前

後勅速條疏甄敘其朔方并諸軍應在河中管內及同

州將士等唐書方鎮表開元九年置朔方軍節度使領單于大都護府夏鹽綏銀豐勝六州定遠豐

安二軍東中西三受降城唐書李懷光傳懷光奪李建徽揚惠元等軍屯好時其下稍攜貳乃引兵掠涇陽三

原富平遂如河中又懷光至河中取同絳二州謹按朔方諸軍指朔方軍及李建徽等軍也其云在河中管內

及同州將士乃懷光背畔東走自遠赴難解其重圍通鑑

所引將士在河中及同州者也自遠赴難解其重圍通鑑

上至奉天遣中使告難于魏縣行營李懷光帥眾赴長

安建中四年十一月李懷光自蒲城引兵趨涇陽並北

山而西先遣兵馬使張韶徽服同行請行在藏表于臘

九韶至奉天值賊力攻城見韶以為賤人驅之使與民

俱填塹部得問踰塹抵城下呼曰我朔方軍使者也城上人下繩引之比登身中數十矢得表于衣中而進之上大喜昇部以徇城四隅歡聲如雷癸巳懷光敗泚兵于灑泉泚聞之懼引兵遁歸長安眾以為懷光復三日不至則城不守矣謹按魏縣屬魏州其地在河山之東故曰自遠赴難也念茲功勞並未酬

報雖遭脅制情有可矜應到行營未經甄敘者並准元

勅超五資改轉其賞錢比收京城將士例各給一半委

本軍兵馬使條錄名銜聞奏

語林近代選曹補授先吳舊官于前次書擬官于後

新舊相銜也

所司支計給付其食實封者亦便配額令其請

受應天下諸道軍將士等如有年老及疾患尪弱

禮記吾欲

暴尪而奚若注

不任軍旅願歸鄉里者並給終身優饗

州縣切加安存勿令侵擾如無家可歸者給田宅使得

存濟見危致命先典所尚況忠衛社稷殺身成功朕于

斯人義有加等贈太尉秀實通典太尉秦官漢因之金

相等歷代唯後周無其餘皆有悉為三公前漢百官公

卿表注應邵曰自上安下曰尉唐書段秀實傳段秀實

字成公本姑臧人天授貞烈沮茲姦邪蒼黃之中獨蘊

興元元年贈太尉卿段秀實久失兵柄意

雄斷將紓國難詭收寇兵兇謀既虧吾事果濟忠誠奮

發手擊渠魁通鑑朱泚以司農卿段秀實久失兵柄意

騎士踰垣入劫之以兵秀實自度不免乃謂子弟曰國

家有忠吾于何避之當以死徇社稷汝曹宜人自求生

乃往見泚泚喜曰段公來吾事濟矣延坐問計秀實說

之曰公本以忠義著聞天下今淫軍以犒賜不豐遽有

披猖使乘輿插我夫犒賜不豐有司之過也天子安得
知之公宜以此開論將士示以禍福奉迎乘輿復歸宮
闕此莫大之功也泚默然不悅然以秀實與已皆為朝
廷所廢遂推心委之左驍衛將軍劉海賓涇原都虞候
何明禮孔日官岐靈岳皆秀實素所厚也秀實密與之
謀誅泚迎乘輿泚遣涇原兵馬使韓旻將銳兵三千聲
言迎大駕實襲奉天時奉天守備單弱段秀實謂岐靈
岳曰事急矣使靈岳詐為姚令言符令旻且還當與大
軍俱發竊令言印未至秀實倒用司農印印符募善走
者追之旻至駱驛泚殺之不克則死終不為之臣也乃
無類矣我當直搏陰結軍中之士欲使應之于外旻兵
令劉海賓何明禮靈岳獨承其罪而死不以秀實等
至泚令言大驚岐源休姚令言及秀實等議稱帝事秀
實勃然起奪休象笏前唾泚面大罵曰狂賊吾恨不斬
汝萬段豈從汝反邪因以笏擊泚泚舉手扞之纔中其
額濺血灑地泚與秀實相搏恟恟左右猝愕不知所為
忠臣前助泚泚得匍匐脫走秀實知事不成謂泚黨曰

我不同汝反何不殺我衆爭前殺之
上聞秀實死恨委用不至涕泗久之
英風凜然振蓮子

右宐卽差官致祭并進表門閭府縣護其喪事緣葬所

要一切官供唐書百官志鴻臚寺司儀署令一人正八品下丞一人正九品下掌凶禮喪葬之具

京官職事三品以上散官二品以上祖父母父母喪職

事散官五品以上都督刺史卒于京師及五品死王事

者將葬祭以少牢率齋郎執俎豆以往三品以上贈以

束帛黑一纁二一品加乘馬既引遣使贈于郭門之外

皆有束帛一品加璧五仍于墓所官為立碑以揚徽烈

品以上葬給營墓夫其所賜實封五百戶嫡子正員三品官諸子授正員五

品官委中書門下卽准元勅處分唐書段秀實傳興元元年詔贈太尉諡曰

忠烈賜封戶五百莊第各一區長子三品諸子五品應

並正員官帝還鄴又詔致祭旌其門閭親銘其碑云

諸道諸軍將士有身死王事者委本道本使具名銜聞

奏即與褒贈仍以在身官爵授其子孫內外文武官及

諸親諸色人等有橫遭逆賊殺害者各聽其家及親識

人于所司呈牒唐書百官志下之達上其制有六一日

牒勸實奏聞亦與追贈如跡著忠烈眾所明知仍訪其

子孫量加優恤尚齒養老王風之首三代制禮未或遺

年禮記虞夏殷周天下之盛王也未有遺年者年之貴乎天下久矣朕將遵古典以興

化本人心而教孝用優秩賜式慰里閭京兆府前漢百

表右內史武帝太初元年更名京兆尹師古注京大也兆者眾數言大眾所在故云京兆也唐書地理志京兆

卷之二十六

府京兆郡本雍州屬關內道者壽年八十已上並與版授刺史仍賜

紫通鑑釋文版授謂不加誥命以版策授之也唐書車

服深綠為六品之服淺綠為七品之服深青為八品之服淺青為九品之服黃為流外官及庶人之服

丁巳不及諸州府者壽年八十已上並與版授本縣令

仍賜緋天下侍老者壽謹按侍老有侍者之老也天寶八載制其天下百姓文法

七十五以上婦人七十以上宐各給中男一人充侍仍任自簡擇亦各與版授官如年

九十已上者州縣長吏歲時躬親省問貧弱不能自存

者量賜粟帛頃屬多難人流俗弊加之以師旅因之以

饑饉賦役繁起農桑失時哀哉瘁人汔可小息然以國

計猶歉軍實靡充未盡復除良增愧轉應天下建中四

年年終已前所有諸色逋欠在百姓復內者一切放免

百司及諸軍諸使舉放利錢唐書食貨志初京司及州縣皆有公廩田供公私之

費其後以用度不足諸司置公解本錢以番官貿易取息計員多少為月料以諸司令史主之號捉錢令史

今年六月已前百姓欠負未納者亦並停徵京兆府百

姓普恩外給復一年其供頓官吏通鑑音注車駕行幸有知頓使楊慎丹給

錄俗語飯曰一頓元微之連昌宮詞委京兆尹唐書百

駢令供頓不敢藏文字詰續食曰頓都東都北都鳳翔成都河中江陵興元興德府尹各一

人從三品通典周官有內史掌治京師漢景帝二年分置左右內史武帝更名京兆尹與左馮翊右扶風是為三輔治長安城中唐京兆府本為雍州置牧一人以親

王為之多以長史理人開元元年改雍州為京兆府改雍州長史為京兆尹總理眾務類例具名

銜聞奏量與優獎古者計戶以署吏因時而建職既不

乏事亦無冗員今田畝汙萊版圖凋耗周禮天官小宰八成三日聽閭

里以版圖鄭司農注齊人編戶謹按齊人猶齊民也唐避太宗諱以民為人漢

書食貨志注如淳曰齊等也無有貴賤謂之齊民若今言平民矣通鑑釋文編戶者謂列次民籍也託庇

官曹貪吏猾胥誘為囊橐啟奸墮業為害尤深應在京

百司色役人及流外等綱目集覽色科名也主掌諸色雜徭役者通鑑音注緝色補官

者謂之流外官入流內敘品謂之入流委御史大夫即與諸司使長官通典

御史大夫秦官位上卿銀印青綬掌副丞相漢成帝更名大司空秩比丞相此皆為三公非今御史大夫也唐

書百官志御史臺大夫一人正三品掌以刑法糾正百官之善惡其屬爲三院一曰臺院侍御史隸焉二曰殿院殿中侍御史隸焉三曰察院監察御史隸焉凡寃而無告者三司詰之三司侍御史大夫中書門下也大事奏裁小事專達凡有彈劾御史以白大夫大事以方幅小事署後而已凡三司理事與給事中中書舍人更值朝堂若三司所按而非其長官則與刑部郎中員外郎大理司直評事往訊開元中又置御史裏行使侍御史裏行使殿中侍御史裏行使監察御史裏行使審詳商議據見所掌事之閒劇定額聞奏仍校名送中書門下務從減省副朕憂人以後應須署置並定名先奏仍求爲常式今年正月一日赦書節目有所未行者所司並舉而行之赦書或有不該卽比類條件聞奏敢以赦前事相言告者以其罪罪

之亡命山澤挾藏軍器百日不首復罪如初赦書曰行
五百里布告遐邇咸使聞知

唐陸宣公翰苑集卷第二

平定張佩芳蓀圃注釋

新安汪肇龍稚川

程瑤田易田

汪梧鳳在湘

方矩晞原叅訂

制誥

貞元改元大赦制

通鑑貞元元年春正月
丁酉朔赦天下改元

君可汪者體元立極

春秋隱元年春王正月
君即位欲其體元以居正故不

言一年一月也書洪範次五欽若乎天地纂業承統前漢

曰建用皇極傳訓建為立也嚴奉乎祖宗用能百神允諧兆庶未

宣承統纂修洪業公燕卜倪傳贊孝願立國之本斯其大經朕燭理不明違道招損前漢昭帝紀未

燭厥理注師古曰燭照也書罔往遭多難淪陷國都天

違道以干百姓之譽又滿招損地宗祧曠而莫主則是欽若嚴奉之義缺矣甚用懼焉

洎復京師白虎通京師者何謂也千里之邑號也京大

也師衆也天子所居故大衆言之明諸侯法日月之徑千里或曰夏曰夏邑殷曰商邑周曰京師遽將告謝有司以人力耗斲

禮物廢墜日居月諸歲聿云暮卜其吉日唐書禮樂志凡祭祀之節

有六一曰卜日凡大祀中祀無常日者卜小祀則筮皆于太廟卜日前祀四十有五日卜于廟南門之外布卜

席闈西闕外太常卿立門東太卜正占者立門西卜正

奠龜于席西首灼龜之具在龜北乃執龜立席東北向

太卜令進受龜詣卿示高卿受視已令受龜少退俟命

卿曰皇帝以某日祇祀于某令曰諾遂還席西向坐命

龜曰假爾大龜有常與授卜正龜卜正負東扉坐作龜

與令進授龜示卿卿受反之令復位東向占之不釋龜

進告于卿曰某日俯在上春梁元帝纂要孟春曰上春

從乃以龜還卜正齊心求懷坐以待曙而百辟卿士抗疏上言咸謂人心

未寧不足以盡敬寇孽猶在不足以告功迫于羣情俯

仰誠願郊祀孔邇瞻言莫從悼心慚顏胡寧自處重以

和平未洽災沴薦臻去歲旱蝗兩河為甚前漢文帝紀旱蝗注師古

曰蝗即蝻也食苗為災今俗呼為簸蝗唐書五行志興

元元年秋螟蝗自山而東際于海晦天蔽野草木葉皆

大旱 靈冬 人流不息 師出靡居 加之 以徵求 因之以荒 饑困

窳殍 餒轉死 邛墟 關輔之間 綱目集覽關中有 冬無積

雪 土膏未發 國語號文公曰古者大史順時覲土農祥

昭曰膏 宿麥不滋 前漢武帝紀勸有水災郡種宿麥注

麥 詳思咎徵 書洪範咎徵曰狂恒雨若曰僭恒暘若

為而致 兵戎之後 餘祲尚存 左傳吾見赤黑之 獄 狂之

中 深究未釋 釋文鄉亭之繫曰狂朝廷曰 又河中 淮右

逆將阻兵 唐書方鎮表至德元載置淮南西道節度使

乾元元年 徙治鄭州 二年 淮南西道 節度使 領申光壽

安沔 蘄黃 七州 治壽州 上元二年 增領陳鄭 潁毫 汴曹

宋徐泗九州徙治安州號淮西十六州節度使大歷十
四年賜號淮寧軍節度使更號中光蔡節度使謹按河
中謂李懷光淮右謂李希烈注俱見制誥三卷

扞脅齊人陷之死地雖欲自雪厥路無由抱義銜冤足傷和氣此皆由朕爽德書故有爽德爾

雅爽差也忒也播災于人為之父母實用愧恥今元陰已謝王

七釋農功既登元陰戒寒春日載陽勾萌畢伸幽蟄咸震爾雅蟄靜也疏藏伏

靜處也左傳凡祀啟蟄而郊疏夏小正曰正月啟蟄言始發蟄也思與海內同心自新

發號更元用符天意宜改興元二年為貞元元年自正

月一日昧爽已前大辟罪已下已發覺未發覺已結正

未結正繫囚見徒罪無輕重咸赦除之先准勅令量移

收敘人所司據節文速與處分應河中脅從將士多是

奉天赴難功臣本居朔陲左傳虔劉夙尚忠節豈以一

夫註誤前漢景帝紀詔曰吳王濞為逆棄其累代勳庸

周禮夏官司勳王功曰勳國功曰功民朕于此軍尤所

不忍特宐洗滌待以初誠自非與官軍決戰死于鋒刃

其餘雖臨陣擒獲亦從釋放棄逆歸順者在身先有官

爵實封一切如舊仍准前後勅所在便給賞錢并與甄

敘如有因危效節建立殊庸量其事績特加獎擢李懷

光若能翻然悔過束身赴朝念其嘗有大勳必當終始

全護仍准前勅授之官封

唐書宰相表建中四年十一月癸巳

朔方節度使李懷光

為中書令朔方朔寧同華陝虢河中晉絳慈隰行營兵馬副元帥

朕于功臣庶可無負

淮西將吏百姓等皆被劫制久為匪人詢事原情諒非

獲已今王師四合計日誅夷玉石俱焚

書火炎崑崙

用

增惻憫宐令諸道進軍之日唯存首惡一人自餘徒黨

悉從原宥如有歸順及立功者並准河中將士例褒獎

夫為國之要在於審官其理分憂守宰彌切闔境性命

繫乎其人將使里閭無愁苦之聲風俗興廉讓之教得

不慎簡髦彥

詩烝我髦士傳髦俊也

爾雅美士為彥注人所彥誅疏舍人口國有美士為人所言

道寄之化原自今已後諸州刺史有闕中書門下於朝

官中精擇有理人才術者後漢蔡邕傳墨綬長吏職典理人授之如刺

史縣令在任頻年課績尤異者擢授侍郎給舍郎官御

史唐書百官志吏部侍郎正四品上郎中正五品上侍御史從六品下通鑑音注給舍者謂給事中中書舍

人皆唐正五品官也中外迭處用觀其能賞罰必行期於競勸自

頃選曹署吏唯以書判求人唐書選舉志凡擇人之法有四一曰身體貌豐偉二

日言言辭辯正三曰書楷法適美四曰判文理優長四

事皆可取則先德行德均以才才均以勞得者為畱不

得者為放務黜浮華莫稽實行且能言者不必適用蘊用者或未能言凡為擇人其在精覈宜令清資常參官每年

於吏部選人中為尚書銓侍郎分其二尚書典其一各

舉所知一人堪任縣令錄事參軍者唐百官志錄事參

錄事參軍掌總錄衆曹文簿舉彈善惡後代刺史有軍

而開府者並置之自後漢有郡主簿官職與州主簿同

隋初以錄事參軍為郡官所司依資敘注擬便于甲歷

則并州郡主簿之職矣程大昌曰唐中書門下吏部各有甲歷凡具標舉

之內三庫以若干人為一甲在選部則名圖甲

主名銜仍牒報御史臺唐書百官志御史臺大夫一人

糾正百官之罪惡中丞為之貳通典御史之名周官有

之蓋掌贊書而授法令非今任也至秦漢為亂察之任

所居之署漢謂之御史府亦謂之御史臺如到任後政

夫寺亦謂之憲臺後漢以來謂之御史臺

尤異者有賊犯事跡著明者所司錄舉官姓名聞奏以

為褒貶其內外員及京城諸使名目委御史審勘會商
量并省停減仍集百寮定議務從簡約息費使人其京

官職田 通鑑音注唐文武官有職分田一品十二頃二
品十頃三品九頃四品七頃五品六頃六品四

頃七品三頃五頃八品二頃五頃九品二頃皆給

百里內之地諸州督都都護親王府官二品十二頃三

品十頃四品八頃五品七頃六品五頃七品四頃八品

三頃九品二頃五頃十頃鎮戍關津嶽瀆官五品五頃六

品三頃五頃七頃八品二頃九品一頃五頃十畝

貞觀十一年以職田侵漁百姓詔給逃還貧戶視職田

多少每畝給粟二斗謂之及息利官錢等 唐書食貨志

地租尋以水旱復罷之 京師及州縣

皆有公廨田供公私之費其後以用度不足諸司置公

廨本錢以番官貿易取息計員多少為月料其後又薄

歛一歲稅以高戶點吏詆欺 箭漢劉向傳造端 移易疆

畔或貧人轉徙捕繫親隣。日月滋滋。耗弊彌甚。亦令百

寮議其折衷。擇善而行。往以賦役殷繁。人不堪命。定為

兩稅事額易從。文獻通考德宗時楊炎為相遂作兩稅法夏輸無過六月秋輸無過十一月置

兩稅使以總之。凡百役之費先度其數而賦于人。量出

制入戶無主客以見居為簿。人無丁中以貧富為差不

居處而行。商者在所州縣稅三十之一。度所取與居者

均使無僥利。其租庸雜徭悉省。而丁額不廢。其田畝之

稅以大歷十四年懇田之數為定。而均收之。遣黜陟使

按諸道丁產等級舊制三百八十萬五千。使者按得主

戶三百八十萬。客戶三十萬。天下之民不土斷而地著

不更版籍。而得其虛實。歲斂錢二千五百餘萬。緡米四

百萬斛。以供外錢九百五十餘萬。緡米比屬軍興。或踰

千六百餘萬。斛以供京師。天下使之始制法無所守。吏益為奸。哀我勞人。汜可小息。自諸道

州府除兩稅外應有權宜科率差使一切悉停京畿及

近縣所欠百姓和糴價值唐書食貨志貞觀開元後邊

律北抵薛延陀故地緣邊數十州戍重兵營田及地租

不足以供軍于是初有和糴牛仙客為相有彭果者獻

策廣關輔之糴京師糧稟益羨自是元宗不復幸東都

天寶中歲以錢六十萬緡賦諸道和糴斗增三錢每歲

短遞輸京倉者百餘萬斛米賤則少府加估而糴貴則

賤價而糴貞元初吐蕃劫盟召諸道兵十七萬戍邊關

中為吐蕃蹂躪者二十年矣北至河曲人戶無委度支

幾諸道戍兵月給粟十七萬斛皆糴于關中

即勘會給支唐書百官志度支郎中員外郎各一人掌

天下租賦物產豐約之宜水陸道涂之利

歲計所出而支調之以近及遠通典度支漢初張蒼善

算以列侯主計始相府領郡國上計者謂之計相殆今

度支之任隋初諸道非臨寇賊州縣自冬以來黜召官

為度支侍郎

健子弟

通鑑張萬福曰官健常虛費衣糧無所事晉注兵農既分縣官費衣糧以養軍謂之官健猶言

官所養健兒也按唐六典衛士之外天下諸軍有健兒

舊健兒在軍皆有年限更來往頗為勞弊開元十五年

勅以天下無虞安與人休息自今以後諸軍鎮量開劇

利害置兵防健兒于諸色征行人內及客戶中召募取

丁壯情愿充健兒長住邊軍者每年加常例給賜兼給

末年優復其家口情愿同者聽至軍州各給田地屋宅

人賴其利中外獲安末無徵發之役此當時言兵並安

農已分之利而養兵之害卒不可救以至于今

放散任營生業應經陷賊州縣百姓屋宇被焚毀并貧

病老弱及遭傷損之類所在量加優恤使得安存天下

名山大川并自古聖帝明王賢臣烈士祠廟墳墓各委

當處長吏擇日致祭必資精潔以達志誠

文獻通考唐武德貞觀之

制五嶽四鎮四海四瀆年別一祭各以五郊迎氣日祭
 之東嶽岱山祭于兗州東鎮沂山祭于沂州東海于萊
 州東瀆大淮于唐州南嶽衡山于衡州南鎮會稽山于
 越州南海于廣州南瀆大江于益州中嶽嵩山于洛州
 西嶽華山于華州西鎮吳山于隴州西海及西瀆大河
 于同州北嶽恆山于定州北鎮醫無閭山于營州北海
 及北瀆大濟于洺州其牲皆用太牢祀官以當界都督
 刺史充又高宗顯慶三年太尉長孫無忌議祭法申合
 三年一祭以仲春之月祭唐堯于平陽以契配祭虞舜
 于河東以臯陶配祭夏禹于安邑以伯益配祭殷湯于
 偃師以伊尹配祭周文王于鄴以大公配祭武王于鎬
 以周公召公配祭漢祖于長陵以蕭何配天寶六載勅
 三皇五帝宜有欽崇三皇伏犧以勾芒配神農以祝融
 配黃帝以風后力牧配五帝少昊以蓐收配顓頊以元
 冥配帝辛以稷契配唐堯以羲仲和叔配虞舜以夔龍
 配仍以春秋二時致享七載詔歷代帝王聲迹之處未
 有祠宇者所出郡置一廟享祭仍取常時將相德業可
 稱者二人配享秦始皇都咸陽李斯王翦配漢高祖起

沛張良蕭何配後漢光武皇帝起南陽鄧禹耿弇配魏
 武皇帝都鄴荀彧鍾繇配晉武帝都故洛陽張華羊祜
 配後魏道武皇帝起雲中長孫嵩崔元伯配後周文帝
 起馮翊蘇綽于謹配隋文帝封隋高穎賀若弼配又忠
 臣一十六人殷相傅說殷太師箕子宋公微子少師比
 干齊相管夷吾晏平仲晉卿羊舌叔向魯卿季孫行父
 鄭卿子產燕上將軍樂毅趙卿蘭相如楚三閭大夫屈
 原漢大將軍霍光大傅蕭望之丞相丙吉蜀丞相諸葛
 亮義士八人吳太伯伯夷叔齊吳延陵季札魏將段干
 木齊高士魯仲連楚大夫申包胥漢將軍紀信並合郡
 縣長官春秋二時擇日准前致祭顧炎武日知錄唐太
 宗貞觀四年九月詔自古汨于隋室諸有明王聖帝
 及賢臣烈士坵壟可識瑩兆見在者各隨所在條班制
 錄申奏每加巡簡禁絕芻牧春秋二時爲之致祭班制
 有差所以序賢也禮記修其班制以與四鄰廩秩有等
 所以明勸也今或高卑失序中外相踰至於卿士之家

尚罹凍餒之患忠信重祿豈其然邪內外官祿及俸錢

手力雜給等

唐書食貨志至德初以用物不足內外官不給料錢郡府縣官給半祿及白直品子

課乾元元年亦給外官半料及職田京官給手力課而已李泌為相又增百官及畿內官月俸復置手力資課

歲給錢六十一萬六千餘緡文官千八百九十二員武官八百九十六員左右衛上將軍以下又有六雜給一

曰糧米二曰鹽三曰私馬四曰手力五曰隨身六曰春冬服私馬則有芻豆手力則有資錢隨身則有糧米鹽

春冬服則有布絹繩紬綿射生神策軍大將軍以下增以鞋州縣官有手力雜給錢然俸最薄者也委中

書門下度支卽參詳定額聞奏應赴奉天及收城將士

等並功存社稷節著艱危中心藏之豈忘酬報頃緣府

藏空竭賞給未周乃眷勳臣實用增愧應准元勅合請

賞錢人委所司節減在官及百司費川據所有財物速
與給付應在京城及諸道立功將士等先有詔旨並許
甄升所司勘會淹歷時月委中書門下卽准元勅處分
諸軍行營并河中朝邑被脅從將士家口在京及諸州
府者宐令本道節度觀察使安存賑恤各令優給應諸

軍使立仗

唐書儀衛志衛凡朝會之仗三衛番上分爲五仗號衙內五衛一曰供奉仗二曰親仗三

曰勳仗四曰翊仗五曰散手仗皆帶刀捉仗列坐于東

西廊下每月以四十六人立內廊閣外號曰內仗又有

千牛仗皆執御刀弓箭升殿列御座左右內外諸門以

排道人帶刀捉仗而立號曰立門仗宣政左右門仗內

仗皆分三番而立號曰交番仗皇帝升御坐內謁者承

旨喚仗左右羽林軍勤以木契自東西閣而入內侍省

五品以上一人引之左右衛大將軍將軍各一人押之
朝罷皇帝步入東序門然後放仗內外仗隊七刻乃下
常參輟朝日六刻卽下宴蕃客日隊下復立半仗于兩
廊朔望受朝及蕃客辭見加纛稍隊儀仗減半凡千牛
仗立則全仗立太陽虧昏塵大霧則內見在城將士等
外諸門皆立仗泥雨則延三刻傳點

其賜七萬匹制書有未該備所司速比類條件聞奏敢

以赦前事相言告者以其罪罪之亡命山澤挾藏軍器

百日不首復罪如初赦書日行五百里遐邇咸知

冬至大禮大赦制 唐書德宗紀貞元元年十一月
癸卯有事于南郊大赦綱目質

實冬至卽日南至也謂日極南至于牽牛則爲
冬至又曰自秋分日行南陸冬至日南極矣

故曰日南至今之冬至也杜甫詩注庚
祀南郊卽祀太清宮太廟謂之三大禮

門下君天下者受命於天地繼業於祖宗致其誠心惟敬與孝違敬莫大乎廢祀虧孝莫大乎黷神朕以眇身屬承大統縱欲敗度浸生厲階兵連禍深變起都邑六

師播蕩九服震驚

周禮夏官職方氏乃辨九服之邦國方千里曰王畿其外方五百里曰侯

服又其外方五百里曰甸服又其外方五百里曰男服

又其外方五百里曰采服又其外方五百里曰衛服又

其外方五百里曰蠻服又其外方五百里曰夷服又

其外方五百里曰鎮服又其外方五百里曰藩服又

廟園陵

文獻通考唐凡園陵之制皇祖以上至太祖陵皆朔望上食元日冬至寒食伏臘社冬一祭皇

考陵朔望及節祭而日進食又薦新於諸陵其物五十

有六品始將進御所司必先以送太常與尚食滋味薦

之如宗廟又唐高祖葬獻陵在京兆府三原縣界太宗

葬昭陵在京兆府醴泉縣高宗葬乾陵在京兆府奉天

葬昭陵在京兆府醴泉縣高宗葬乾陵在京兆府奉天

縣界中宗葬定陵在京兆府富平縣界睿宗葬橋陵在京兆府奉先縣界元宗葬泰陵在京兆府奉先縣界肅宗葬建陵在京兆府醴泉縣界代宗葬元陵在京兆府富平縣界綱目集覽園謂山陵瑩域陷於凶

逆神人乏主將迫周星列聖大業幾墜於地違虧敬孝

罪由朕躬撫臨萬邦甚用自愧側身思咎詩序宣王遇災而懼側身

修行舊唐書太宗紀有星庶補將來股肱元臣比義叶李于太微避正殿以思咎

德爪牙衆士戮力同心誅大憝而都邑廓清翦逋寇而

關河底定茲再與王公卿尹洎億兆之人備其盛容修

其禮物兩都賦寢成盛容書修薦誠清廟詩序清廟祀文王也箋清

廟者祭有清明之德者之宮也天德展敬園王周禮春清明文王象焉故祭之而歌此詩也

樂凡樂圓鍾為宮黃鍾為角大簇為徵姑洗為羽雷鼓
雷鼗孤竹之管雲和之琴瑟雲門之舞冬日至於地上
之圖正奏之若樂六變則天神皆降可得而禮矣羣書
考索古者祀天子南郊而地上之圖正者南郊之正也
正圖而高所以象天唐書禮樂志四成而成高八尺一
寸下成廣二十丈而五減之至於五丈而十有二陛者
也圖正陳謝罪愆告雪憤恥感慕慙惕若無所容上帝顧

懷再新景命詩君子萬年景命有僕豈伊匪德獨荷鴻休北齊五郊樂歌

祖從享來儀鴻休溢千祀思與普天誕膺多福可大赦天下自貞元

元年十一月十一日昧爽已前大辟已下已發覺未發

覺已結正未結正繫囚見徒罪無輕重常赦不原者咸

赦除之左降官量移近處流人及藩鎮效力並即放還

應有痕玷禁錮前後恩赦節文未該及者亦宜洗雪勿
以爲累李希烈僭逆不道誠所難容朕憫念蒼生務息
征討頻有詔命許其自新若能歸降依前勅待以不死
淮西管內將士官吏百姓等一切原宥與之如初先有
官封亦皆復舊如能特建功效者當別抽擢若家口親
屬在諸道者長吏綏撫各使安存其歸順百姓仍委節
度觀察使刺史給空閒地任便安居優復終身務令全
濟待事平已後聽歸本貫天下百姓去年十二月已前
欠負官稅官租及諸色人逋懸一物已上但不在官典

復內者一切免放內外文武官見任及致仕官三品已

上賜爵三級四品已下加一階天下諸使諸將軍士三

品已上賜爵一級四品已下加一階自身人賜勳三轉

自頃兇渠倡亂逆臣附姦保據國都馮陵旬服書五百里旬服

傳規方千里之內謂之甸服為天子服治田去王城而五百里朕出次郊邑再遷巴梁

通典渝州古巴國秦漢并屬巴郡隋初改渝州煬帝初

州廢置巴郡唐為渝州唐書地理志興元府漢中郡亦

本梁州險阻艱難靡不經歷暴亂之後仍彰烈士之功

漢川郡

憂危之中方見直臣之節錄勳進善其可弭忘應奉天

興元元年扈從立功並收京城將士食實封者各隨文

武與一子官餘並加兩階仍賜勳三轉其文武百官應

扈從到興元府者五品已上賜爵一級六品已下加一

階合入三品五品者不拘考限聽敘

唐書選舉志凡居官必四考四考中

中進年勞一階敘每一考中上進一階上下二階上中

以上及計考應至五品以上奏而別敘六品以下遷改

不更選及守五品以上官年勞歲其五品已下父母未

一敘給記階牒考多者準考累加

經追贈者與追贈應平河中將士卽准元勅速與甄獎

自建中四年以來有身死王事義烈著明未經褒贈者

本道卽具名銜事迹聞奏諸道有解退官健州府長吏

切務安存仍量以空閒田地給付免其差役任自營生

社稷之勳以輔興王業統帥之任以總制戎麾霍豹古

所以指麾武王右執白旄以麾是也又黃希參衰職者

云唐人多言戎麾如杜佑制出總戎麾是也

其德崇詩衰職有闕維仲山父補之傳有衰冕者君之

闕輒能補之授旄節者其功大葉石林燕語節度使旄

者仲山甫也節門旗二龍虎旄一節

一麾鎗一豹尾二凡八物旗以紅繪為之上為塗金銅

龍頭以揭旌如木盤節以金銅葉為之盤加紅絲為龍

鹿麾鎗亦施木盤豹尾畫豹文皆以髹梓為杠旗則方

綱以紅繪節及麾鎗則綱以碧油故謂之碧油紅旄方

鑱乃國之垣翰禁衛實予之爪牙通典高祖置十二軍

右驍左右武左右威左右領軍左右金吾左右監門左

右千牛凡十六衛大將軍各一人將軍總三十人左

千牛衛各一人餘衛各二人貞觀二年九月勅今

衛各宜置置將軍一人唐書百官志左右衛掌宮禁

衛左右驍左右武左右威左右領軍掌同左右衛金尹
吾掌宮中京城巡警監門掌諸門禁衛千牛掌侍衛尹

京實賴於肅清唐書百官志開元元年改京兆通判府務主計尤

資於辦集唐書百官志度支掌天下租賦物產歲計所出而支調之所頒慶澤宐越

常倫司徒兼中書令晟宐與一子五品正員官並四品

階諸道副元帥文獻通考唐制有天下兵馬元帥副元帥掌征伐兵罷則省乾元二年以趙王

係為天下兵馬元帥李光弼為副元帥廣德元年吐番
入寇復以雍王為關內元帥郭子儀為副元帥建中四

年以李希烈反置諸道行營兵馬都元帥與一子六品正員官中書門下平

章事充節度使唐書百官志貞觀八年僕射李靖以疾辭位詔疾小瘳三兩日一至中書門下

平章事而平章事之名蓋起於此永淳元年以黃門侍郎郭待舉兵部侍郎岑長倩等同中書門下平章事平

章事入銜白待眾等始自是以後終唐之世不能改通
典唐侍中中書令是真宰相餘以他官參掌者無定員
但加同中書門下三品及平章事知政事參知機務參
與政事及平章軍國重事之名者並為宰相謹按充節
度使宰相兼領節度使也唐自開元後宰相常各與一
領他職百官志云時方用兵則為節度使是也

子七品正員官節度使及神策兵馬使

唐書兵志上元中以北衙軍使

衛伯玉為神策軍節度使鎮陝州中使魚朝恩為觀軍
容使監其軍初哥舒翰破吐番臨洮西之磨環川即其
地置神策軍以成如璆為軍使及安祿山反如璆以伯
玉將兵千人赴難伯玉與朝恩皆屯於陝時邊土陷蹙
神策故地淪沒即詔伯玉所部兵號神策軍廣德元年
代宗避吐番幸陝朝恩舉在陝兵與神策軍迎扈悉號
神策軍天子幸其營及京師平朝恩遂以兵歸禁中自
將之求泰元年吐番復入寇朝恩又以神策軍屯苑中
自是寢盛分為左右廂勢居北軍右遂為天子禁軍非
他軍比綱目質實神策軍名本秦隴西郡地後魏始築

城置鎮隋置華亭縣屬安定郡唐六軍統軍唐書百官志左右龍

武軍統軍各一人左右神武軍統軍各一人皆正三品金吾六軍大

將軍判度支侍郎續通典宋白曰故事度支案郎中判

銜不言專判度支開元以後時事多故遂有他官來判

者乃曰度支使或曰判度支或曰知度支事或曰勾當

度支使雖稱不同其各與一子八品正員官都團練都

防禦等使唐書百官志武后聖歷元年以夏州都督領

置防禦守捉使通典自至德以來天下多難諸道皆聚

兵增節度使為二十餘道其非節度使者謂之防禦使

以採訪使並領之採訪理州縣防禦理事而無旌節

收防禦使為都團練守捉使皆主兵事而無旌節

京兆河南尹唐書地理志河南府河南郡本洛州開元元年

為府百官志西都東都北都鳳翔成都河中江

陵興元與德府尹各一人從三品分注武德元年雍州
置牧一人以親王為之然常以別駕領州事未徽中改
尹曰長史開元元年改京兆河南府長
史復為尹通判府務牧缺則行其事 金吾六軍將軍

殿前射生兵馬使唐書兵志至德二載擇便騎射者置
衙前射生手千人亦曰供奉射生官

又曰殿前射生手分左右
廂總號曰左右英武軍 各與一子九品正員官多難

以來三十餘載克平禍亂屬在戎臣或節著艱危或勳

高戰伐受任雖專於總帥成功亦賴於羣材懋賞推恩

書德懋懋官 宜加裔嗣諸道大將功業崇高者各與一
功懋懋賞

子官本使即詳定錄名聞奏副元帥都統兼節度下唐書

百官志分注天寶未置天下兵馬元帥都統朔方河東
河北平盧節度使招討都統之名始於此通典乾元中

卷之二十五

置都統使監總管諸道或領三道每道各二十人都團

或領五道皆古方岳牧伯之任也

練都防禦使下各十人如大將子孫之中有藝業優長

性行純確者本使具狀聞薦唐書百官志下之達上其制有六一曰表二曰狀

仍量事資給令赴上都朕當隨材授官以充侍衛庶使

忠臣之後與國無窮故尚父子儀劉向別錄師之尚之父之故曰師尚父唐

書宰相表大歷十四年閏五月申先朝元勳再復京邑

唐書肅宗紀至德二載閏七月丁卯廣平郡王俶為天下兵馬元帥郭子儀副之以朔方安西回紇南蠻大食

兵討安慶緒九月癸卯復東京慶緒奔於陝郡十月戊申克陝郡壬子復東京慶緒奔於河北贈太尉

秀實以死為國節冠古今宜令與子孫一人五品正員

官自至德以後肅宗年號節度使大將有忠烈績效著明其

後淪翳者所司卽條錄聞奏與子孫一人正員官諸色

人應在賊中潛奉神主曲禮疏云五經異義主狀正方穿中央達四方天子長尺二寸

諸侯長一尺按後漢禮儀志桑木主尺二寸不書諡又按杜佑通典神主之制有匱有跌其匱底蓋俱方底自

下而上蓋從上而與底齊頃已甄賞宜便賜優崇三品已上賜爵一

級四品已下加一階江淮轉運使唐書食貨志轉運使掌外度支使掌內

檢校左僕射同中書門下平章事韓滉唐書韓滉傳滉宰相韓休子

勵精勤職夙夜在公漕輓資儲千里相繼前漢張良傳河渭漕輓天

下西給京師注師古曰輓引也輓音晚唐書韓滉傳調發糧帛以濟朝廷者繼屬當時實賴之事無憊

滉傳調發糧帛以濟朝廷者繼屬當時實賴之

素人不告勞拯於凶灾厥有成績可進封晉國公唐書百官

志凡爵九等三曰國公食邑三千戶從一品關畿之內連歲興戎薦屬天灾

稼穡不稔穀糴翔貴烝黎困窮倉廩空虛莫之賑贍每

一興念憫然痛心宜令度支取江西湖南通鑑音注江西謂江南西

道唐書方鎮表廣德二年置湖南都團練守見運到襄

捉觀察處置使治衡州領衡潭邵永道五州

州米十五萬石唐書地理志襄陽郡屬山南道采白曰襄陽郡地魏置襄陽郡以其地在襄山之陽也江左置雍州西魏收襄州設法般赴上都以

救百姓荒饑如山路險阻車乘難通仍召貧人令其般

運以米充脚價務於全活流庸綱目正誤庸與傭同謂流移他處及傭作於人

者

庶事優饒副朕勤恤立國之道始於親親所以厚骨

肉之恩明教化之本況薦經艱故宗族漂淪敦睦之情

有加常典大長公主長公主公主

唐書百官志皇姑為大長公主正一品姊

為長公主女為公主皆視一品

初學記

天子嫁女於諸

侯天子至尊不自主婚必使諸侯同姓者主之始為之

公主秦代因之亦曰公主漢制帝女為公主帝姊

各與

姊為長公主漢制皇女皆封

縣公主儀服同藩王

各與

一子七品官嗣王郡王

唐書百官志皇兄弟皇子皆封國為親王皇太子子為郡王親

王之子承嫡者為嗣王諸子

為郡公以恩進者封郡王

襲郡王嗣王者封國公

通典其庶姓卿士功業特盛者

亦封

郡王郡主縣主

唐書百官志

皇太子女為郡主

各與一

子宮出身應陪位皇親五等已上諸親三等已上者

唐書

百官志凡親有五等一曰皇帝周親皇后父母視三品
 二曰皇帝大功親小功尊屬太皇太后皇太后皇后周
 親視四品三曰皇帝小功親總麻尊屬太皇太后皇太
 后皇后大功親視五品四曰皇帝總麻親祖免尊屬太
 皇太后皇太后皇后小功親五曰皇帝袒免親太皇太
 后小功卑屬皇太后皇后總麻親視六品皇帝親之夫
 婦男女降本親二等餘親降三等尊屬進一等降而過
 五等者不為親諸王大長公主長公主親視本品嗣王
 郡王非三等親者亦視三品已上賜爵一級四品五品
 五品駙馬都尉視諸親

加一階六品已下及常選官散官等簡選日優與處分

未出身人量授文武散官通鑑自開府儀同三司至將
 仕郎二十八階為文散官驃

騎大將軍至陪戎副衛二十一階為武散官如宗子中有德行才能宗正卿

唐書百官志宗正寺卿一人從三品少卿二人從四品
 初學記宗正卿周官也選宗中之長而董正之謂之宗正

秦漢因之晉曰大其名開奏宗正唐曰宗正卿常別獎任致理之本在乎

審官審官之由資乎選士將務選士之道必精養士之

方魏晉已還澆風未革國庠學記鄉校黨有庠疏於黨中立學教閭中所升

者也前漢平帝紀郡國曰學侯國曰校唯尚浮華選部禮闈通典漢靈帝改吏曹為選

部唐書選舉志開元二十四年考功員外郎李昂為舉人詆訶帝以員外郎望輕遂移貢舉於禮部以侍郎主

之禮部選士自此始不稽實行學非為已官必徇人法且非精弊

將安救宐令百寮詳思所宐各修議狀中書門下參較

得失擇善而行有虞建官三載考績書三載在漢為吏

或長子孫前漢王嘉傳文帝時吏居官者或長子孫以官為氏倉氏庫氏則倉庫吏之後也食貨志

為吏者長子孫注如淳曰時無事吏不數轉至於子孫長大而不轉職任蓋吏久於官則人

情不苟官久於事則理化有成日者制度廢隳考課乖

舛唐書百官志凡百司之長歲較其屬功過差以九等

二曰清慎明著三曰公平可稱四曰恪勤匪懈善狀之

外有二十七最一日獻可替否拾遺補闕為近侍之最

二曰銓衡人物擢盡才良為選司之最三日揚清激濁

褒貶必當為考校之最四曰禮制儀式動合經典為禮

官之最五日音律克諧不失節奏為樂官之最六曰決

斷不滯與奪合理為判事之最七日部統有方警守無
失為宿衛之最八曰兵士調習戎裝充備為督領之最
九曰推鞠得情處斷平允為法官之最十日讞校精密
明於刑定為校正之最十一曰承旨敷奏吐納明敏為
宣納之最十二曰訓導有力生徒充業為學官之最十
三日賞罰嚴明攻戰必勝為軍將之最十四曰禮義興
行肅清所部為政教之最十五曰詳錄典正調理兼舉

爲文史之最十六曰訪察精審彈舉必當爲糾正之最
十七曰明於勘覆稽失無隱爲句檢之最十八曰職事
修理供承彊濟爲監掌之最十九曰功課皆充丁匠無
怨爲役使之最二十曰耕耨以時收穫成課爲屯官之
最二十一曰謹於葢藏明於出納爲倉庫之最二十二
曰推步盈虛究理精密爲歷官之最二十三曰占候醫
卜效驗多者爲方術之最二十四曰檢察有方行旅無
壅爲關津之最二十五曰市廛弗擾姦濫不行爲市司
之最二十六曰牧養肥碩蕃息孳多爲牧官之最二十
七曰邊境清肅城隍修理爲鎮防之最一最四善爲上
上一最三善爲上中一最二善爲上下無最而有二善
爲中上無最而有一善爲中中職事粗理善最不聞爲
中下愛憎任情處斷乖理爲下上背公向私職務廢闕
爲下中居官飾詐貪濁有狀爲下下凡定考皆集於尚
書省唱第
然後奏

淹速靡準升降無名欲令庶僚何以懲勸自

今以後刺史縣令未經三考不得改移自餘非在職績

效殊尤亦不得越次遷轉刺史停替須待魚書

唐書車服志

高祖入長安罷隋竹使符班銀菟符其後改為銅魚符以起軍旅易守長京都畱守折衝府捉兵鎮守之所及左右金吾宮苑總監收監皆給之畿內則左三右一畿外則左五右一左者進內右者在外用始第一周而復始又隨身魚符者以明貴賤應召命左二右一左者進內右者隨身皇太子以玉契召勘合乃赴親王以金庶官以銅皆題其位姓名官有貳者加左右皆盛以魚袋三品以上飾以金五品以上飾以銀刻姓名者去官納之不刻者傳佩相付有傳符銅魚符者給封符印發驛封符及封魚函用之有銅魚而無傳符者給封函還符封函用之又魚勅六內外五品以上及常參官在任年考所降皆有勅書

已深者即量才故用與改中外迭處以觀其能夫明目

達聰

書明四聰

政功廣聞見或慮懷才抱器輸忠納諫之

倫地處幽遐無山自達水言於此夢想不忘應諸色人
有長策濟時忠規匡主任具陳所見請所居之州委刺
史畧與討論觀其旨趣但有禪治道不涉私情便與附

驛遞送

唐書百官志凡三十里有驛驛有長舉天下四方之所達為驛千六百三十九阻險無水草鎮

戍者視路要隙置官馬水驛有舟

朕當親覽自立兩稅經今百年或初

定之時已有偏併或戶口減耗舊額猶存輕重不均流

亡轉甚委度支卽折衷條理以卹困窮古者雖有水旱

人無菜色皆儲蓄不匱勸導有方前代所置義倉

通典隋開

皇五年長孫平奏令諸州百姓及軍人勸課當社共立義倉收穫之日隨其所得出粟及麥於當社造倉窖貯

之若時或不熟當社卽以此穀賑給自是諸州儲峙委積十五年詔曰本置義倉止防水旱百姓之徒不思久

計輕爾費損國初亦循其制備災救乏甚便於人唐書食貨

志貞觀中尚書左丞戴胄建議自王公以下計墾田秋熟所在為義倉歲凶以給民太宗善之乃詔畝稅二升

粟麥杭稻隨地所宜卽宜準貞觀故事天下所墾見田上自王公

下及百姓每豐稔之歲秋夏兩時州縣長官以理勸課

據頃畝多少隨所種粟豆稻麥隨便貯納以為義倉如

年穀不登卽量取賑給官司但為其立法勸諭不得收

管仍各委本道觀察使隨便宜處置聞奏敦本厚生必

資播殖當今所切莫甚於斯自今百姓有墾闢田疇加

於常歲者所加之地不得輒徵租稅刺史令長考課亦

以本界墾田多少為殿最前漢宣帝紀丞相御史課殿

殿後也課居後也最凡要之首也課居先也今年蝗旱損甚州府開春之後

量給種子使就農功天下應荒閒田有肥沃堪置屯田

處委當管節度使觀察都團練都防禦等使刺史審細

檢行以諸色人及百姓情愿者使管佃如部署精當收

獲數多本道刺史特加褒升唐書食貨志唐開軍府以

下屯總九百九十二司農寺每屯二頃州鎮諸軍每屯

五十頃水陸腴瘠播殖地宜與其功庸煩省收率之多
少皆決於尚書省凡屯田收多者褒進之歲以仲春
藉來歲頃畝州府軍鎮之遠近上兵部度便宜遣之屯

田等節度優賞如是逃戶田地本主復業卽却給還蓋

轂之下通鑑釋文轂者輻所湊也京都四方所輻湊以輦轂取喻四方會同供應既

多難為準定急賦繁役人何以堪宜令京兆尹與度支

計會長安萬年兩縣通鑑音注長安萬年並居京城為

東五十四坊長安縣治長赤縣萬年縣治宣揚坊領朱雀街每季各先支貯備錢五千貫

文於縣庫收納定清幹官專知文獻通考乾元元年勅

三萬貫每月收利以充和雇時祠祭及蕃夷賜宴別設

皆長安萬年人吏主辦二縣置本錢配納質積戶收息

以供費諸使捉錢者給牒免徭役應緣卒須別索及雜供擬并工匠等

縣令與專知官先對給價錢季冬之後申度支勘會所

是和市和雇並須先給價錢兩稅外一物已上不得科

配百姓御史臺朝廷紀綱尚書省治化根本通典秦時少府遣吏

四人在殿中主發書故謂之尚書尚猶主也至後漢則

為優重出納王命敷奏萬機蓋政令之所由宣選舉之

所由定罪賞之所由正斯乃文昌天府衆務淵藪內外

所折衷遠近所稟仰故李固云陛下之有尚書猶天之

有北斗斗為天喉舌尚書亦為陛下喉舌斗斟酌元氣

運平四時尚書出納王命賦政四海漢尚書謂之尚書

臺唐為尚書省都堂居中左右分司都堂之東有吏部

戶部禮部三行每行四司左司統之都堂之西有兵部

刑部工部三行每行四司右司統之凡

二十四司分曹共理而天下之事盡矣

其人自頃制勅頒行所司多不遵守王臣奉職豈所宜

然委御史臺左右丞唐書百官志尚書省左丞一人正四品下通典

四品上右丞一人正四品下通典

尚書左右丞秦置尚書丞一人屬少府漢成帝置丞四人及後漢光武始減其二隋左右丞掌分尚書諸司糾

駁唐因隋制龍朔二年改為左右肅機左丞掌管轄諸司糾正省內勾吏部戶部禮部等十二司通判都省事

右丞掌管兵部刑部工部切糾稽違無壅朕命南郊太

等十二司餘與左丞同
清宮通鑑音注唐會要太清宮薦享聖祖元元皇帝奏

二坊太廟在朱雀街之混成紫極之樂又太清宮在丹鳳門之左南出第太廟應職掌行事官郊廟攝將

軍中郎將唐書百官志左右衛上將軍各一人大將軍各一人皇帝御正殿則守諸門及內廂

宿衛仗非上日亦將軍一人押仗將軍缺以中郎將代將軍掌貳上將軍之事又五府每府中郎將一人正四

品下左右郎將及畱守副畱守唐書百官志初太宗代一人正五品上高麗置京城畱守其後
車駕不在京都則置畱守以右金吾大將軍為副畱守
開元元年改京兆河南府長史復為尹十一年太原府

亦置尹及少尹以尹為副守
尹為副副守謂之三都守
守少內定行從官三品已上

各賜爵一級四品已下加一階並賜勳兩轉其諸色支

僕作官司直長上唐六典凡應宿衛官各從番第諸衛

牛備身備身左右太子千牛并上折衝果毅應宿衛者

並一日上兩日下諸色長上若司階中候司戈並五日

上十日下流外灼然要職掌者並賜勳兩轉行事室長

掌坐齋郎唐書百官志兩京郊社署有齋郎百一十八人

以主樽壘篚罍鑰鑰郊壇有掌座二十四人以主神御

之物皆禮部奏補凡室長一年掌座十二年皆授官
禮生贊者減二年勞無勞可減者簡選日優與處分崇

賢館學生見在者減帖策各一道唐書百官志開元二
十五年置崇元學於

元元皇帝廟天寶元年兩京置博士助教各一員學生
百人二載改崇元學曰崇賢館博士曰學士助教曰直

學國子監陪位學生通典唐西京國子監領六學一曰

士徒五百人三曰四門學生徒千三百人四曰律學生徒

五十人五曰書學生徒三十人六曰算學生徒三十人

凡二千二百一十人賜勳一轉介公鄒公通鑑開皇元年

生徒皆尚書省補為介公唐書高祖紀武德元年各與一子官如無子孫

六月乙酉奉隋帝為鄒國公賜物一百匹神策六軍殿前左右射生英武唐書兵志

手分左右廂總號威遠通鑑音注據舊郭子儀傳肅宗

曰左右英武軍都統令帥英武威遠等禁軍及諸鎮之師取范陽既而

為魚朝恩所沮不行則威遠軍肅宗置也至德宗時以
左右威遠營隸鴻臚賈批以鴻臚卿兼威遠軍使至元
和二年勅左右威遠營置來已久著在國章其英武軍

並合并入左右威遠營具後遂以官官為使不復隸鴻
臚宋白曰左右威遠營木屬鴻臚寺建中元年七月隸

金皇城通鑑音注唐六典皇城在京城之中東西五里
北三里一百四十步南面三

日中曰朱雀左曰安上右曰含光東面二門北曰延喜
南曰景風西面二門北曰安福南曰順義其中右社稷

左宗廟百僚解署列乎其間唐自開元以前以城左右
門郎掌皇城諸門開闔之節中世以後置皇城使左右

金吾街使將士唐書百官志左右衛使掌分察六街徼
巡凡城門坊角有武侯鋪衛士驥騎分

守大城門百人大鋪三十人小城門二十人小鋪五人
日暮鼓八百聲而門閉乙夜街使以騎卒循行踣諱武

官暗探五更二點鼓自內發諸街鼓承應緣大禮宿衛
振坊市門皆啟鼓三千搗辨色而止

御樓立仗通鑑音注唐初天子居西內肆赦率御承天
門樓自高宗以後天子居東內肆赦率御丹

鳳門樓凡御樓肆赦六軍十二衛皆有恩賚劉及守本
溫叟曰故事非肆大告不御樓軍數皆有恩給

庫本營者其賜物若干端正天灾作沴深微予衷跼踖
憂慚罔知攸措今穀價騰踊人情震驚鄉閭不居骨肉
相棄流離殞弊所不忍聞公私之間廩食俱闕既無賑
恤又復徵求財殫力竭繼以鞭箠弛征則軍糧乏贍厚
取則人何以堪念茲困窮痛切心骨思所以濟浩無津
涯補過實在於增修救患莫如於息費致咎之本既由

朕躬謝譴之誠宜自朕始宜令尚食

通典始秦置六尚
有尚食焉如淳曰

謂掌天子之物曰尚唐書
御二人直長五人食醫八

百官志殿中省監尚食局奉
人奉御掌儲俱直長爲之貳
進御必辨時禁先嘗之饗
而供凡諸陵月享視膳乃
百官賓客則與光祿視品秩
獻內侍省監尚食局尚食二

人掌供膳羞品齊總司膳司
醞司藥司簿凡進食先嘗
所進御膳每食各減下一

半應宮人等每月惟供給糧米一千五百碩飛龍廐馬

唐書百官志飛龍廐口以八馬列宮門之外號南衙立

仗馬仗下乃退大陳設則居樂縣之北與象相次通鑑

音注飛龍廐仗內六閒之一

也程大昌曰在元武門外 從今已後至三十日已前

並減一半料京兆府應差科百姓及和市和買等諸色

目事無大小一切並停公私債負容待蠶麥熟後徵理